

ნაპაწიანი

საქართველოს-აზერბაიჯანის
-სოციალური-თავისუფლების-




-1919-

მ. ქობულაძის № 10

თბილისის
გრაფიკული
სამუშაოების
სამსახური



I—სურათი	1
II—ქაჯი, — ლექსი გუგუხია, (თარგმ.) ა. შნშააშვილისა.	3
III—ნადირობა, — ირ. კვდოშვილისა	5
IV—შემოდგომის სურათი, — (ლექსი) დ. თურჯოსშირკელისა	12
V—გოგონა ბიჭი, — (ხალხური ლექსი) ვ. თამარაშვილისა.	14
VI—თეთრი მონა, — ხარაიკოვისა (თარგ.), კლ. ანტონოვსკისა.	18
VII—მამა და შვილი, — (ლექსი) გ. ქუჩაშვილისა.	36
VIII—მემამულე, — (იგაჟი) ად. შირიანიშვილისა.	38
IX—ბეთხოვენის სიკვდრლი, — (თავისუფ. თარგ.) ან. ივანაშვილისა	39
X—საქართველო, — (რწმუნანა & ჩუეუდებანა) მ. ჯანაშვილისა.	44
XI—ყინულის მთა, — (თარგ.) ლ—ისა.	52
XII—მ-თოლოგია—ტროადის ომი, — ად. შაქაბერაძისა.	55
XIII—ომი ბალკანეთის ნახევარ კუნძულზე.	60
XIV—გასართობი: გამოცანები, რებუსი და აღსნა.	63





ქ ა ჯ ი.

(გ ე თ ე ს ი).



ს ვინ მოჰქრის ასე გვიან ტყეში, ღრეში, ღამე ბნელში?
მხედარი ცხენს მოაქენებს—უკავია ბავშვი ხელში.
მჭიდროდ მკლავი შემოურტყავს და იხუტებს
თვის უბეში.

- შეილო, სახეს რისთვის ჰმალავ, რისთვის ვითრთის ვერე ტანი?
- ნუ თუ ქაჯსა ვერა ჰხედავ, მამავ, იგი ვერ იცანი?

თავს ადგია მას გვირგვინი, შემომსქერის კუდიანი.

- შეილო, ნისლის ნაგლეჯია, ღამის ქართი მონატანი.
- მო, წამომყე, გენაცვალე, კარგო ბავშვო, ნაზო გრძნობით;

...არ მოგაწყენ, თავს შეგიქცევ სხვა-და-სხვა გვარ თამაშობით.
...წყლის ნაპირას გაგატარებ, ჭრელ ყუთილებს ჰნახავ რგულსა;
დედაჩემი საცმელს მოგცემს ოქრომკედლით მოქარგულსა.

— მამაჩემო! მამაჩემო! გესმის, ქაჯი რას მპირდება?

— იყავ მშვიდად, ჩემო შვილო, ნურაფროს ჩემს მამო-
კრება!

ხმელს ფოთლებსა ქარი არხევს, ის ზუზუნებს, არ ყუჩდება.

— ბავშვო, ბავშვო, განა არ გსურს ჩემთან ერთად წა-
მოხვიდე?

„მოგივლიან ქალიშვილნი, გიმღერებენ სხვანი კიდე.

„იციკვებენ, გაჰპართავენ ღამით წრესა და ფერხულსა,

„და მოგგვიან ნელის რწევით, ტკბილის ნანით ძილის რულსა.

— მამაჩემო, მამაჩემო, ხომ კი ჰხედავ იმ ხიჸ ძირას
ქაჯის ქალნი ირხევიან შიურუებულ ძნელ ადგილას.

— ჩემო შვილო, კარგად ვხედავ, ნუ გეშინის, მომეც
ხელი:


ღამის ბნელში გამოსქვივის თეთრად ძეწნა ძველის ძველი.

— მომწონს, ბავშვო, შენი სახე, გიხსენიებ ასე ქებით.
ეს იცოდე: ძალას ვიხმარ, თუ არ მომეც შენის ნებით.

— მამავ, მამავ, ტყისა ქაჯი ჩვენკენ მოდის, დამიფარე:
ხელი მტაცა, ტკივილსა ვგრძნობ, მამავ ცხენი ააჩქარე.

მგზავრი ცხენსა მიაქროლებს, შემკრთალი და შენაზარი,
ვაით ბინას მიაღწია, ხელთ კი ეპყრა ბავშვი მკედარი.

თარგ. ა. შანშიაშვილისა.



ნ ა ღ ი რ ო ზ ა .

(უძღვნი ს. მელიქიშვილს).



აღამოთი პატრონტაში ჩამოვიღე კედლიდან და პატრონები გავიშადე.

ჩემი არაბო გაფაციცებია: მადევნებდა თვალ-ყურს. ხანდისხან მოკრძალებით მომიახლოვდებოდა, თითქოს ეშინოდა, რომ

ხელი არ შეეშალა, და სიამოვნების ნიშნად წინა ფეხებს მუხლებზე შემომალაგებდა ხოლმე.

დილა აღრიხნად სანადიროდ უნდა წავსულიყავ, და ამას კარგად ჰგრძნობდა არაბო.

როდესაც ყველაფერ სამზადისს მოვრჩი, სანადირო ტანისამოსიკ ლოგინთან ახლო დავილაგე და დაეწექ დასაძინებლად. არაბომ რამდენჯერმე შეჰხედა პატრონტაშს, თოფს, სანადირო ტანისამოსს და ისიკ იჭავე, ჩემს ახლოს, იატაკზე წამოწვა.

მე მალე მიმეძინა. არაბოც რასაკვირველია თვალს მოატყუებდა. მაგრამ ჯერ პირველი განთიადი კარგად არც-კი იყო დაწყობილი, რომ უცებ გამომეღვიძა.

„აჲ! აჲ! აჲ!“ მიყვფდა არაბო და თან ფეხებსა მიყვფდა საბანზე.

„მოიცა, მოიცა, ჩემო არაბელავ; მოიცა, მეთქი, შე ვერანო: ცოტა კიდევ ჩავთვლიმო!“ შეუტიე არაბოს, მაგრამ ის აღარ მასვენებდა.

„აჲ! აჲ! აჲ! გამოიღვიძე, დროაო,“ მიყვფდა არაბო და თან წკმუტუნებდა, სტიროდა: „ჩქარა, ჩქარა ადექ, თორემ მეტი მოთმენა აღარ შემიძლიანო.“

რა შექნა, უნდა ავმდგარვიყავ. მართლაც და ეს ჩვეულებრივა დრო არ იყო ჩემი სანადიროდ წასვლისა.

არაბომ კარგად იცოდა ეს დრო და ამიტომ გამალვიძა კიდევ.

* * *

ზაფხულის გრილმა ღამემ დამბერა სიო და მთლად გამიფანტა ძილის ბურუსი. მალე გავიარეთ სოფელი და შეუდექით მთის კალთას, რომელზედაც დაბურულ ხეებ შუა ბილიკი მიდიოდა. მართალია, მთვარიანი ღამე იყო, მაგრამ ატეხილი ტყე ადგილ-ადგილ ისე გადააბხევოდა ერთმანეთს, რომ თვალთა-წინა არა სჩანდა. ბილიკი ხშირად ღრმა ხრამის პირას ვადიოდა. ის ზოგან ისეთი ვიწრო იყო, რომ საკმარისი იყო ერთი ფეხი არ ვადამედგა სწორედ და შეიძლებოდა, თუ მთლად სიცოცხლეს არ გამოვსალმებოდი, კლდეში გადაჩებით გვერდები მაინც ჩამმტვრეოდა. წყლიადში არაბოსაც კარგად ველარ ვარჩევდი, რადგანაც ჩემი არაბო არა ნაკლებ შავი იყო ღამეზე.

მაგრამ მე თუ კარგად ვერ ვხედავდი გზას, სამიგიეროდ არაბოს ერთი ნაბიჯიც არ ეშლებოდა. ის მიდიოდა ჩემ წინ, მე-კი მის ფეხის ფაჩი-ფუჩს მივსდევდი. ხანდისხან-კი, როდესაც მეტის-მეტად საეჭვო იყო ხოლმე რომელიმე გასაველელი ადგილი, საკმარისი იყო შევმდგარიყავ, ხმა მიმეცა არაბოსთვის



და ისიც ფეხებზე დაშიწყობდა ზოლმე კუდის ცემას ამაკილებდა საშიშ ხრამს.

დიად, კვეიანი იყო, კვეიანი და გონიერი ჩემი არაბო!

განთიადისას უკვე ავალწიეთ მთას. აქ-კი ჩემს თვალწინ გადიშალა ლანგარივით სწორე მინდორი, რომელიც ყანას ოქროს ფერად აელამაზებინა.

ადგილ-ადგილ, პატარა კორდებ შუა ტბები მოსჩანდა. ისინი თრთოდნენ დილის ნიავზე, ხან იშლებოდნენ, ხან თეთრ ქარავანივით მიიზღაზნებოდნენ. საკვირველი მხოლოდ ის იყო, რომ ეს პატარა ტბები დასვენებულნიყვნენ ოქროს ფერ ყანის თაეთაევებზე, ეხვეოდნენ მათ გარშემო. ზოგი ზოლ-ზოლად შიგ ყანის გულში ჩადიოდა და აქ იწვივებოდა ნამებად, ზოგი-კი ჰაერში იფანტებოდა... ჰქრებოდა. მაგრამ ეს საკვირველი იყო მხოლოდ უჩვევ თვალისთვის; მას მართლაც ტბები ეგონებოდა. მე კი კარგად ვიცოდი, რომ ეს იყო ლეგა ნისლი, რომლისათვისაც განთიადს მოესწრო, დილის ნიავს დაეყო ნაქერ-ნაქერ და ახლა ყანების გულზედვე დნებოდნენ ცვარ ნამებად.

„მოიცა. არაბო, მოიცა ცოტა, მზემ დაჰკრას ყანას, შეაშროს!“

ურჩევდი არაბოს, რომელმაც უკვე მოასწრო ყანებში განავარდება და თვისი შავი ქურქის ნამებით გაბანვა.

მაგრამ არაბო აღარ სცხრებოდა; — ის შევარდებოდა ყანაში, შედგებოდა იქ და შემომხედავდა: აცა, გადმოიღო თოფი მზრიდან, — შეუღგებით თუ არა ნადირობასო.

სწორე გითხრათ, მეც მეტი ვეღარ მოვიტიმინე, მონადირის საღერღელმა ხელი დამრია და შევერიე მალალ, ნამიან ყანაში.

არაბოსაც ეს უნდოდა. მან კუდი გაიბზიკა, ერთი-ორჯელ შედგა უყანა ფეხებზე, გაჰხედა ყანის სიგრძე-სიგანეს, რომ დაენახა როგორ და საით ეძებნა მწყერი, და შეუღგა თავის საქმეს.

მე თოფ-გამზადებული მივდედი არაბოს უკანონო მოქმედებას. ბევრი მოლოდინი არ დამჭირებია. მალე არაბომ ჩემიდან სულ ექვსიოდ ნაბიჯზე წამოაფრინა მწყერი, რომელიც ჯერ მალლა აეშვა ისარივით, შემდეგ-კი გასწორდა და შურდუღლივით გაეშვა ჰაერში.

დაიგრიალა ჩემმა თოფმა და სიცოცხლე-გამოსაღმებული მწყერი დაეშვა ყანაში. არაბოს თვალებს არც ეს გამოეპარა. ვიდრე მე დაცლილ პატრონას გამოუცვლიდი თოფს, იმან მოკლული მწყერი პირით მომირბენინა. დედა მწყერი იყო, ზორბა და ჩასუქებული. ექვი არაა, აქ მამა მწყერიც უნდა ყოფილიყო და, რასაკვირველია, მათი ბარტყებიც. ერთი სიტყვით—მთლად მათი ოჯახობა. არაბომ თავისი საქმე კარგად იცოდა და იმავე ადგილს მოუბრძინა. არც შეეცდი. მალე მამალი მწყერიც ბზრიალით ამოფრინდა ყანიდან, მაგრამ ვერც კი მოასწრო კარგად გაემართა ფრთები, რომ ჩემმა თოფმა ისიც უსიცოცხლო დაუშვა ძირს. მათ ბარტყებიც ზედ მივაყოლე.

მალე ჩემ სანადირო ქამარს მთელი მათი ოჯახი უსიცოცხლოდ ჩამოეყიდა. მე თავ-დავიწყებული ერთი ყანიდან მიორეში გადავდიოდი და ისე არ მივატოვებდი არც ერთ მათგანს, რომ მოკლული მწყერი ქამარზე კისრით არ ჩამომეკიდნა.

ხანდისხან-კი, როდესაც მეც მომატყუებდა ხელი და თვალი, ავაცდენდი ნიშანს და სიკვდილ-გადარჩენილი მწყერი შიშისაგან ერთი-ორად ფრთებ-დაჭიმული მიზუზუნებდა ჰაერში ტყვიასავით, არაბო ჯერ მას გააყოლებდა გაეღოვარებულ თვალებს, მერე-კი მე შემომხედავდა ხოლმე უკმაყოფილოდ. მაგრამ, ვინ იცის, როგორ უბაროდა მწყერს-კი ამ დროს, რომ გადარჩა ჩემი თოფის საფანტებს და ისიც არ მიემატა ჩემ წელზე ჩამოკიდებულ თვის უბედურ მოძმეებს.

შუა დღის მზემ თვისი სხივები კისერზე დამაქირა. საშინლად ჩამოცხა. დრო იყო წესვენებისა. ველარც არაბო ეძე-



ბდა ხალისიანად: ისიც დაიღალა. მივაველ-მოვაველე თვალს
ლო-მახლო ყანებს და გავსწიეთ ორივემ ტოტებ-გაშლილ მუ-
ხისაკენ, რომლის ჩრდილშიაც არა-ერთხელ მომისვენია. აქვე
პაწია წყარო გამოწანწყარებდა და ჩვენც ეს გვინდოდა, რომ
გავგრილებულიყავით.

მალე მე და ჩემი არაბო წყაროს პირს ერთად ვსაუზმობ-
დით. ისიც და მეც სიამოვნებით დავცქეროდით უსიცოცხლო,
ჩასუჭებულ მწყერებს, რომლებიც მე წელიდან ჩამოვიხსენ.
მე და ჩემი ძალღი ახლა უსიტყვოდ ველაპარაკებოდით ერთ-
მანეთს დღევანდელ ნადირობაზე.

„აი, ეს დედა მწყერი, ესეც მისი შვილი.“ — თითქოს მა-
ნიშნებდა არაბო თვალებით. ორივე ერთად იყვნენ ჩახუტე-
ბულნი. ოო, ეგენიც რა ეშმაკები არიან! ხანდისხან ისე გაი-
ნაბებიან, ისე ამოეკვრებიან ყანის ძირს, რომ ვერც-კი გაარ-
ჩევ მიწისაგან. ესეც მაგათი მეზობელი! იქვე ახლოს დასეირ-
ნობდა, ალბად დილის შხით სტკებოდა!“

„ყოჩაღ. ყოჩაღ, ჩემო არაბულავ, ჯერ-ჯერობით ოცდა
ათი მწყერი გვაქვს, კოტა გადაგრილდეს და ჩვენ საქმეს შე-
ვუდგეთ.“

გადაუსვამდი ხოლმე ხელს შავთავა არაბოს.

ამ ჩუმ მუსაიფში ვიყავით მე და ჩემი ძალღი, რომ უცებ
თვალი რალამაც ცისკენ გაიტაცა. ავიხედე მალლა, და უშვე-
ლებელი ძერა გამაღებული მოსდევდა რალაც პაწია ფრინ-
ველს. ელვისავით გამოშვებული ფრინველი ხან ქვევით დაე-
ქანებოდა უცებ, ხან მოულოდნელად გაუსხლტებოდა გვერდ-
ზე, ხან მალლა შეჭკრავდა კამარას, მაგრამ ძერა მაინც არ
ეშვებოდა; ისიც სულ ახლოს, თითქმის ერთი ნისკარტის გა-
წვდაზე მისდევდა, მსხვერპლს და მის ქამანდებს თვისი მოქნი
ლი ფრთებით ასწევ-ჩასდევდა.

ზოგჯერ ისე დააფრინდებოდა ხოლმე, რომ აგერ, აგერ
უკვე კლანჭებში ეჭირა, მაგრამ პაწია ფრინველი რალაცნაირი
თავისებური შეტრიალით ძერას უკან უსხლტებოდა. წინ გა-

მოქანებული ძერა კვლავ მოტრიალდებოდა უკან, კვლავ იშვრთებოდა ჰაერში ბრძოლა, ბრძოლა სამკედრო-სასიყვარულო მავრამ ვამჩნევდი, რომ პაწია ფრინველი თან-და-თან იღლებოდა, ერთი-ორი წუთიც—და ის უკვე მტრის ბრჯყალებში იქნებოდა ისინი ამ დროს სწორედ ჩემს გასწვრივ შეტრიალდ-შეიბრძოლნენ. მოღლილი ფრინველი თითქოს თვის შწარე ხვედრს დაემორჩილა, ფრთები მოუდუნდა, გვეი არ იყო—მალე ჰაერში მისი სისხლიანი ბუმბული გაიფანტებოდა.

„აფ! აფ! აფ!“ შეუყვება ამ დროს არაბომ. ძერამ ჩვენ მხოლოდ ახლა შეგვნიშნა; ის შეერთა ჩვენს სიახლოვეზე, გატრიალდა უკან და წავიდა მალა, მალა. მოღლილმა ფრინველმა იგრძნო მტრის მოშორება, მავრამ სჩანს მეტი ფრენა მას აღარ შეეძლო, იმან თითქოს იგრძნო, საიდანაც გადაურჩა მოსისხლე მტერს და დაეშვა იქით, სადაც მე და ჩემი არაბო ვისხედით. მავრამ იგრილა ამ დროს ჩემმა თოფმა, და ის ფრთებ-მოკუმული წამოვიდა ძირს. როდესაც არაბომ ის წყაროდან ამოიღო და მომიბრბენინა, მხოლოდ მაშინ ვიცან, რომ ეს გვრიტი იყო, — ლამაზი, კაპწია, ფრთებზე ოდნავ წითელ-ფერ დაკრული და გულ-თეთრა გვრიტი. ვინ იცის რამდენჯერ დავმტკბარვარ მისი მშვენიერი ცქრიალით, როდესაც ის მინდორზე ჭია-ლუას, პურის მარცვლებს ან ბალახის თესლს ეძებდა! ვინ იცის რამდენჯერ დავმტკბარვარ ზაფხულში, შუადღისას, სიცხის დროს, როდესაც ყველა მგალობელი ფრინველი გაჩუმდება ხოლმე და ის-კი ლულუნებს, ლულუნებს ტკბილად, თითქოს გულში სტირის, თითქოს ვილაცას ემუდარებაო.

ღიალ, ბევრჯელ, ძრიელ ბევრჯელ მომსმენია მე მისი ტკბილი ხმა, და აი ახლა, ის ორივე ფრთებ-მოწყვეტილი, რომლებითაც დიდხანს იგერიებდა მძლავრ ძერას ჰაერში, მიწაზე დასცა ჩემმა თოფმა. გვრიტი ჯერ ისევ უცხალი იყო. ის ჯერ ისევ სიკვდილს ებრძოდა, მავრამ ამაოდ. ორჯელ, სამჯერ მომაშტერა თვისი შავ-წერტილიანი თეთრი

თვალეზი, მერე დაუშვა თავი მოკლულ მწყრებზე, მათაც დაჰქვიითინაო, შეთრთოლდა და განუტევა სუღამა-კი ამ დროს ჩემიდან შორს წასული ამაყად სრია-ლებდა ისევ ჰაერში, და თითქოს იქიდან მითვლიდა: მე, მე თუ ძერა ვარ, სისხლის მსმელი, შენ ხომ ადამიანი გქვიანო!

ი. ევლოშვილი.





საქართველოს
საბავშვო
საზოგადოებრივი
სამსახური

ზამთრის სურათი.



ნახე — შვენების ბაღნარსა
შემოსძარცოდა ფოთოლი,
განუსაზღვრელი სევდისგან
ცრემლი სდიოდა ობოლი.

—

მზის სხივისა წილ, ბორიო,
შავ ჩაღრში გამოხვეული,
დასისინებდა შქენჯნავად
უგზო-კვლოდ მსრბოლი, ეული.

—

ზაფხულში ჯივარ-აყრილი
ია, ნარგიზი, სუმბული
დღეს მიწაზედა ესვენა
დამქცარი, სუნ-მიღებული.

—

ნაკადი ტიტველ ბორცვებზე
ჰკენესდა, ჰგოდებდა მწარედა,
წალკოტის გაპარტახებას
აქნობდა სულ სხვა არეთა, —

მოსთქვამდა: აღარ ყვავილობს
ტურფა, ლამაზი მხარეო,
არ დაჰნათიან უხედა
მზე, ვარსკვლავთ ჯარი, მთვარეო.

ყინეავ, შე შესაზარელო,
ეგზომ რად გამამწარეო,
ჩემი სამშობლო ქვეყანა
ულევთოდ რად დაამკნარეო?!

ნაკადის მწარე მოთქმასა
მთათ ხომლი იმეორებდა
და თვის ციცაბო კალთებზე
სრემლთ კურცხლებს შიავორებდა.

იქვე-კი... ყვავი, ყორანი
ბუნების გლოვით სტკებბოდა
და მძაფრ ქარისა ქროლასა
„ყვა-ყვათი“ ეგებებოდა.

დ. თურდოსპირელი.





გოგილა გიჟი.

(ხალხური ლექსება)



ვენ მეტრე ბიჭებში არაკად გამიგონია, ვითომ ზაფხულის მიწურულებში, როცა გვალვა ჩამოვარდება და მიწა სიციხისაგან დასქდება, საქონელი მეტად შეწუხდება უბალახობით, და ავდარი უჭირს მთელ ქვეყანასა, — ვინც სისხამ დილაზე, ჯერ ბინდ-ბუნდზედა, ავა მთის მალალ კალთამდის, იქ წყაროზე პირს დაიბანს და მთას, დიდსა და დინჯსა, დილა მშვიდობისას უსურვებს¹⁾, ის დიდ სიკეთეს უზამს ქვეყანას: მთა გულს მოიბრუნებს ბარისადმი და ავდარს ჩამოგზავნის; პირველ შემოდგომის ავდარზე გიჟი²⁾ მოვა და საქონელიც ამ დუხტირობას დაეღწევა.

გოგილა ბიჭი კაი მეტრედ ითვლებოდა: იმაზე ადრე საქონელს წყალს არვინ დააღვეინებდა, უკეთეს ყორულს³⁾ ვერვინ შეურჩევდა.

მარიამობისთვე როცა იწურებოდა და ცას ნამი თიბათვიდან არ გავარდნოდა, სიციხისაგან ბალახი ილეოდა და რჯეს ფოთოლი ეფშრუკებოდა, — გოგილას პატარა ყარასა⁴⁾ თითქოს ეხვეწებოდა, აღი მთასთან და ნამი დამანახევო.

¹⁾ ჩვეულებაა, პირის დაბანვი შემდეგ მისალმება.

²⁾ ავდრის შემდეგ მოხული ს წიწნარი ბალახი.

³⁾ საძოვრად გაშვებული მინდორი.

⁴⁾ მოხერის სახელი.

ვისაც არ დაუნახავს, თუ რა ვაჭირებით სწიწნის ხმელი ბალახს პატარა დეკეული, და-რიალებულ ბულისგან ჩაწვარ ბალახს როგორ ჩაბლუს ხარი,—იქნებ ვერც-კი გაიგოს წუხილი გოგილასი, ან დიდი წადილი მთასთან ლაპარაკისა.

— ბიკო, გოგილავ, ე კამ რომ ესე პირი შეიკრა, რა გვეშველება? წყლებიც-კი დაშრა ღ მინდორს მტვერი ასდის!— შეეკითხებოდა ხოლმე მეველე ანდრია ჩაკლდევებულ დაღმართზე გადამჯდარ გოგილას და ზღაზენით გაემართებოდა სოფლისკენ, პასუხსაც არ მოუცდიდა, არც შედგებოდა.

ჩაქინდრავდა თავს გოგილა და გეგმას აწყობდა, რომელ ყორულისკენ გარეკავდა საქონელს, თუ მიწა დასველდებოდა.

— გახედე, თვედორავ, ი მთაზე რა დაწმენდილი ნისლი და ღრუბელია! ბებერ ხეებსაც ქოჩორი როგორ გადაუვარცხნიათ?!— ეტყოდა გოგილა ამხანაგსა.

— მაშ არა და, ჩვენ ტყეს ვგვანება! ავერ კუნელს დახე, როგორ მოკუზულა, თითქო მიწაში ჩაძრომას ეშურებაო.

შენ ეგ რა გინდა, დილის ნამიც გამაილია, სისველე არა აქვს დილ-დილაობით მინდორსა!

— ეს დაღრეჯილი მუხა ხო გულს ასიებს, იტყვი—სატირლად ემზადებაო; იტირე შენი თავი, შე გასაჩანაგებელო, და გაათავე,—ბრაზობდა გოგილა.

— სიმინდებს ამტვრევენ და კოტა შეღავათი მიეცემა საქონელს წყლისკენ ნასიმინდრებში. გულს იკეთებდა თვედორა.

— თვედორა, ბიკო, ერთი დღით ჩემი საქონელი ჩაიბარე და მაგიერს გადვიხდი!

— სად მიდიხარ, სოფელში?

— არა, მთისკენ წავალ დილაზე ადრე და, თუ ერთ დღეზე არ მოველ, ჩვენებს შეატყობინე.

— რამ გავაგოთა, კაკო, სად უნდა წახვიდე: სადაც ქვეყანა, შენც იქ. სხვის საქონელი რაღა ქეიფშია!?

— არა, გულს გავართობ კიდევ, თორემ ექვიტუბუბოა ღმა შემქამს. წავალ დილაზე აღრე: ჯერ მამალს გავაწინებ და არ ეციელოს. — იფინებდა გოგილა.

— თუ წა'ვლა გინდა და აღარ იშლი, პირველ მამლის ყივილისას უნდა წახვიდე, თორე მზე ამოგასწრობს. მზე მძინარა როდია! — ურჩია ამხანაგმა.

ჯერ ღამე გატეხილი არ იყო, შუალამე გასული-კი იყო, როცა გოგილა საბრით ხელში და ჰურგზე გულით მთის პირველ კალთასთან მიძუნძულებდა, მთან გულში სიხარულს გრძობდა, ზევიდან წვიმებისაგან დაღვრეკილი ღრუბლის ნაგლეჯები ბამბის ქელასავით მთის წვერს თავს ევლებოდნენ, როგორც ფარვანა კვარის შუქსა.

ტყის ბილიკი, ძაფის ხვეულივით არეულ-დაარეული და ანკარასავით დაკლაქნილი, ტყეში ქურდულად დაიპარება და გოგილა ბიქსა თავის ქეიფზე დააბძანებდა.

თვალი მალთა და მანძილს ჰყლაპავს: ახლო მთა შორდებოდა. თითქო ლანდივით უკან იხევდა და გოგილას აღიზიანებდა: ბილიკი სადღაც იკარგებოდა, ფანქარით დაწერილსავით იშლებოდა და ირეცხებოდა.

წადილი მთასთან ლაპარაკისა გულში ღვივდებოდა, შებერვას ელოდა, აპრიალეგბულიყო და გოგილას იტაცებდა ზევით, მგლის მუხლს აბამდა პატარა ბიქსა, ალომგულებდა...

მთა ზევით მიიწვედა, ზვიადდებოდა და პატარა ბიქსათვისკენ იწვევდა...

მას შემდეგ გოგილა ბიქი ბარში არვის უნახავს...

აგერ, ჰხედავთ? მთას ნისლის მაზარა ისევე ჰხურავს. თოვლის ქუდი თვალეზამდის ჩამოუფხუტავს და სთვლემს, ათქნარბს!


ამბობენ: მთის ახლო კალთაზე წამოკიბული ვერხვი გო-


გილა ბიჭი, ყოველ განთიადზე დილის უსურვებს მშვიდობასა და მდუმარე მთას და ფოთლების შრიალით ბარის ამბებს ეჩურჩულება ბატონ მთასა.

სალამო ხანზე სიმღერაც იცის, თუ ზევიდან ნიაფი ჩამოიპარა; სიამით ვასცქერის ბარის მინდვრებს და იქ გატარებულ ბავშვობას.

წვიმა აღარ იგვიანებს, გიზი გახშირდა და საქონელმაც სული მოიდგა!

ვ. თამროშვილი.





თეთრი მონა.

(ამბავი სირიაკოვისა).

I.



ადგურია. ნატარებელი ნელა მოუახლოვდა და დადგა. აივანი მგზავრებით აივსო. მებაღეულები დაფაკრობენ ვაგონებში. სასტუმროს მსახურები გაჰკივიან სასტუმროების სახელებს. სქელი კონდუქტორი დინჯად დადის და იმეორებს ერთსა და იმავეს: „სადგური კურსგოფი, მატარებელი ოცდა ათ წუთს გაჩერდება. სასადილოა.“

— ალექსი! შენი ბარგი სულ მოგაქვს? სკამებ ქვეშ არა დაგრჩა-რა? — მკითხა ბიძა-ჩემმა.

— მგონია: ბალიში, ბოხჩა, ნემს-კავი...

— რამდენი ნაქერი იყო?

— არ დამითვლია, — ნემს-კავი, ყუთი...

— რა უბერიო ხარ!.. თოთხმეტის წლის ვაჟაკია და ვერ დაუთვლია, რამდენი ნაქერი ბარგი აქვს.



— ბიძია! ისეც მახსოვს, რაცა მქონდა: ბოხია, ბალოში

— ბალოში მებარგულეს მიეცი... მებარგულე, მგონია სულ მიგვაქვს ჩვენი ბარგი. თაროებზე აღარა არის რა? არც სკამებ ქვეშ? შაშ წავიდეთ.

როგორც იყო, გავატანეთ მოგზაურების ბრბოში და გავედით სადგურის დერეფანზე. ერთი წუთის შემდეგ ხალვათი, ოთხი კაცის საჯდომი ეტლი გაფრთვინებული წყვილი ცხენით მიგვაქროლებდა ქალაქის ბტერიან ქუჩებზე. ცოტა ხანს უკან ქვეითკირის სახლები, კრამიტიანი დაქნილი ბანებით და ქვაფენილი ჯანჯღარა ქუჩები უკან დაგვრჩა. ეტლი მსუბუქად მიგორავდა გზატკეცილზე, რომელიც ორივე მხრიდან დაჩრდილული იყო ცაცხვის ხეებით. აქა-იქ მოჩანდნენ ლამაზი ავარაკები.

ათი წუთის შემდეგ მომცრო სასტუმროსთან შევჩერდით ზედ ზღვის პირზე.

— ალექსი, შენ პატარა ხანს გაისეირე, — მითხრა ბიძიამ, — მე კი აქ მივაღაგებ ბარგს.

— მეც გიშველიდი... ძია...

— არა, შენ მხოლოდ დამიშლი, მე თითონ მიწადა ყველა თავის ადგილას დავდო. წადა, გაისეირე... ბალტიის ზღვა ნახე...

გამოვედი. ბნელი დერეფანი და ნათელი დიდი სასადილო გავიარე. გავედი განიერ დერეფანზე. საიდანაც ჩანდა ზღვა. ახლად გაშლილ იასამნის ბუჩქებს გაუარე და დავიწყებულხარ ზღვიანი ზღვის პირას.

ქვიშიანი სწორე ზღვის პირი სავსე იყო პირისფერ ლოკოკინებით. შიგა-და-შიგ დიდრონი მიხაკის ფერებიც ვრია. ზღვის პირი სქლქლ დაფენილი იყო რბილი, ხალიჩასავით ზღვიდან გამორიყული შავი ბალახით, რომელშიაც, როგორც მერე შევიტყუეთ, პატარა ქარვის ნაქრები იპოვებოდა. ზღვიდან ქარი მოჰქროდა და მოავგორებდა თეთრ ქაფიან ტალ-

ლებს, რომლებიც დიდ მანძილზე მოგორავდნენ და დასრულდებოდნენ სხვა მომავალ ტალღებთან შესაერთებლად. მაგარი გაელენთილი იყო უცნაური, მაგრამ სასიამოვნო და გამამხნევებელი სუნნელებით. ნაპირიდან მოშორებით ნაკლებად სჩანდა იალქნიანი ხომალდები.

შინ რომ დაებრუნდი, ბიძა ჩემს კიდეც დაელაგებინა ოთახი: ბარგი საწოლსა და დივან ქვეშ ეწყო; ყველა ნივთს თავისი დანიშნული ალაგი ეჭირა.

— აი ეს შენი მაგიდა იქნება, — მითხრა ბიძიამ და მიმითითა მწვანე მაუღით გადაკრულ მომცრო კაკლის მაგიდაზე. შეგიძლიან აქ ისწავლო განვლილი გაკვეთილები, თორემ შემოდგომისთვის სულ დაგავიწყდება; მაგრამ ყველაფერი თავის რიგზე უნდა მოაწყო.

ახლა გაისუფთავე ტანისამოსი, შენც გასუფთავდი: შავრინებთან უნდა წავიდეთ. გახსოვს შავრინი? შარშანწინ ზამთარს რომ იყო ჩვენსა; სქელი კაცია, ჩაჯირკული.

გავედით ორივე მხრივ ხეებ-ჩარგულ განიერ ქუჩაზე; აქეთ-იქით, სულ ლამაზი აგარაკები იყო ჩამწყრივებული. შეუხვით მეორე ქუჩაში. ამ ქუჩას აღარც ხეები ამშვენებდა და აგარაკების მაგივრად თეთრად გაღესილი სახლები იდგა წითელ კრამიტთან დაქანებულ ბანებით. ოც წუთს შემდეგ მივედით შავრინთან.

შავრინი, მალალი, სქელი, ორმოც წელს მიტანებული კაცი, სიამოვნებით მოეგება ბიძა ჩემს—გიმნაზიაში მეგობრები იყვნენ—და შეგვიყვანა სასადილო ოთახში.

— მიამა, რომ მოხვედით, — ამბობდა შავრინი. მიგვიწვიდა და დაჯდა სასადილო მაგიდასთან, ხელსაწმენდი შემოიკრა სქელ კისერზე. — შენი აღექისისთვისაც ამხანაგები მყვანან. პეტრო! კოლა! გაიციანით ეს ახალგაზდა, — მიუბრუნდა ორ ყმაწვილს, რომელნიც ის იყო შემოვიდნენ.

ორივენი ერთმანეთს ჰგვანდნენ: სისქით, ქერა თმით, ცისფერი თვალებით; უფროსი თითქო უფრო ცოცხალი იყო



და ეტყობოდა კობტაობდა. ხელი ჩამოვართვით ერთმანეთს და დავსხედით. ამათ შემოჰყვა მესამე და, უცხოები რომ დაგვინახა, შედგა. სრულიად არა ჰგავდა შავრინებს: შავ-გვრემანი იყო, მუქი ხუჭუჭი თმა ჰქონდა და შუბლ-ქვეში-დან გამოიყურებოდა მოშავო თვალები. გაუბედავად მოუხა ხელოვანად მაგიდას, თითქოს ეშინოდა, გამაგდებნო, გაუბე-დავადვე დაგვიკრა თავი და დაჯდა თავის ადგილას.

შავრინმა და ბიძაჩემმა მოიგონეს ძველი ნაცნობები და როცა ბიძაჩემი სახუმრო რასმე იტყოდა, შავრინი ხმა-მალლა კასკასებდა და სქელი კისერი და სახე უწითლდებოდა; ყმა-წვილებიც მორიდებით ხითხითებდნენ. მხოლოდ მესამე ყმა-წვილი არ იცინოდა. სიცილი რომ ატყდებოდა, მალლა აიხე-დავდა და გაოცებით შეჰყურებდა ყველას დიდრონი თვალე-ბით. სადილს უკან შავრინმა ბიძა ჩემს ანიშნა იმაზე და და-ბალის ხმით უთხრა:

— ამ უცნაურს თვეში ოცდახუთ მანეთს ვაძლევ. შარ-შან საფრანგეთში ვიყავი, იქიდან წამოვიყვანე, — ლატაკები არიან და ფული-კი უფვართ: ორმოც მანეთსა მთხოვდნენ, ერთ გროშად-კი არა ღირს; ჩემ შვილებს ერიდება და ძალა-ობით უნდა ამოაღებინო ხმა.

— კროკეტი ვითამაშოთ, — მითხრეს შავრინებმა, სადი-ლიდან რომ ავდექით, — სამი კაცის თამაშობა მოუხერხებე-ლია, — მეოთხე აღფრედი იქნება.

— აღფრედ! წამოდით ვითამაშოთ, — უთხრა პეტომ ფრანგულად.

აღფრედი უნდომლად წამოგვყვა.

— იქნება არ უნდა, — უთხარი პეტოს.

— ეგლა აკლია. როგორ გაბედავს უარს. თუმც მიუ-კარებელია და მგელივით გამოიყურება, მაგრამ ჩვენ ისეთი აღვირი გვაქვს მაგისტვის, რომ სანაქებო!..

— რა აღვირი?

— ეჰ, არა ღირს მაგაზე ლაპარაკი; სჯობია ^{საჩინოებისათვის} ბურთები კარგია?

— არა უჭირს-რა.

— კორელის არყის ხისაა. აბა, გასინჯეთ, რა მძიმე-ებია... თითო ბურთი ხუთი მანეთი ღირს; მთელ სათამაშო იარაღში-კი მამამ თხუთმეტი თუმანი მისცა. მამას ძალიან ბევრი ფულები აქვს; თითო საღამოს ოცდაათ თუმანს აგებს და აინუნშიაც არ მოსდის. ერთხელ-კი ერთი გერმანელი, გვარად შულბერტი, გააჯავრა. ის ძალიან ძუნწია ..

— პეტო, ვითამაშოთ, მჭრე უამბე. შენ უნდა დაიწყო; წინა თამაშობა მე დავიწყე.

— ახლავ, ახლავ... კოკეტი არ გაგვექცევა, დიად, მამა ქალაღდს თამაშობდა, შულბერტიც იქ იყო; მამას სიგარა უნდა მოეკიდებინა; აიღო ათ-თუმნიანი, სანთელზე აანთო, მოუკიდა სიგარას. შულბერტს უთხრა: იცით, სანთელზე მოკიდება სიგარისა არ ვარგა, სანთლის სუნი ასდევს...

შულბერტს კინაღამ თვალები გადმოსცვივდა.

— კარგია, პეტო, გეყოფა ტყუილები, — აჩქარებდა კოლა: — ვითამაშოთ.

— მე ვტყუი?! როგორა ბედავ მაგის თქმას! წავიდეთ, ვკითხოთ მამას; წავიდეთ, ვკითხოთ... ჰო, არ გინდა?... იცით, შულბერტს რომ სახე დაეღმიჯა, მამამ ბევრი იცინა. მოიტა, წილი ვყაროთ, ვინ დაიწყოს.

გამარჯვება ხან ერთისკენ იყო, ხან მეორესკენ; ბოლოს აღფრედმა გაგვასწრო ყველას.

— უყურეთ ამ ეშმაკს, — გვანიშნა პეტომ აღფრედზე. — აღფრედ! — განაგრძო იმან ვითომ-და ხუმრობით: — აღფრედ! როგორ მოხდა, რომ თქვენები ისე ძალიან დაამარცხეს? ეტყობა, თქვენი ჯარის კაცები მშიშარები არიან...

— მოლაღატენიც არიან, — დაუმატა კოლამ.



აღფრედმა ხმა არ გასცა, მხოლოდ წამოწითლდა და მშობას ჩაუკვირდა.

— დაანებეთ თავი, — უთხარი პეტოს.

— მართალს ამბობთ, — ღრიალი არ მორთოს

ამ დროს აღფრედმა ბურთი გაატარა უკანასკნელ კარში და მოახვედრა ჩემ ბურთს; ორივე ერთად დასხა და ფეხი დააქირა: ღონივრად დაჰკრა ჩაქუჩი; ხის ბურთი განზე გაგორდა და მოულოდნელად ფეხში მოხვდა კოლას. კოლამ ღრიალი შექნა. ამ ღრიალზე შავრინი და ბიძაჩემი გამოვიდნენ.

— რა გაყვირებთ? რომელი რომელმა მოკლა?

— აღფრედმა ბურთი მომახვედრა ფეხში, სლუკუნებდა კოლა.

— მერე ფეხი მთელი გაქვს? არ მოგტყდა? — ეკითხებოდა ხუმრობით შავრინი. — არა გრცხვენთან მაგოდენა ღრიალისა? — თქვენ-კი, აღფრედ, ფრთხილად ითამაშეთ, — დაუმატა ფრანგულად.

— უცაბედად მომივიდა... — წაიდუღუნა მორცხვად აღფრედმა.

— არა, განგებ ქნა, — განაგრძობდა სლუკუნით კოლა: — პეტომ გააფხუკიანა, მაგან კი გაბრაზებულმა მე მომარტყა ბურთი. მე მხოლოდ უთხარი, ფრანგები მოღალატენი არიან მეთქი; თუკი მართალია...

— კარგია, გეყოფა, — შეაწყვეტინა შავრინმა ლიმილით. უეჭველია კიდევ გააფხუკიანებდა ფრანგს. აღფრედ! სალამოზე ჩემთან შემოდით.

— ძალიან ვისიამოვნეთ, — ეთხოვებოდა ბიძა ჩემი: შავრინს: — დროც წავიდეთ. ზოგი წერილი არ დამიწერია, მინდა დღესვე გწავაწავნო. წავიდეთ, ალექსი!

გამოვეთხოვეთ შავრინებს და წავედით სახლში.

II'

გაიარა რამდენიმე დღემ. ბიძაჩემი სამკურნალო წყალს სვამდა და შემდეგ თხუთმეტ წუთს ზღვის პირას დადიოდა. ჩემთვის ეს საკირო არ იყო და დავეხეტებოდი ქალაქის მიდამოებში რამდენიც მსურდა.

შავჭინებს იშვიათად ვხედავდი, თუმცა ბიძა ჩემი კვირაში ორჯელ იმათსა ქალაქს თამაშობდა. მე სხვა ადგილები უფრო მიზიდავდა. იქვე ქალაქ გარედ იყო გძელი და ვიწრო ტბა, რომელიც არხით უერთდებოდა ზღვას; მომეტებულ დროს ამ ტბაზე ვატარებდი.

აღრე ვდგებოდი, მიმჭონდა ნემსკავი, მოვტებნიდი მიმალულ ადგილს და ვიჯექ გაუნძრევლად, თან გულის ფანქალით ვადევნებდი თვალს ნემსკავის მოძრაობას. დილით ცივა—გაფრთოლებს და ელი როდის გამოჩნდება შორ ტყიდან ამომავალი მზე და გაგათბობს თავისი მადლიანი სხივებით. შინიდან წამოღებულ პურის ყუას ამოიღებ, დააყრი მარილს და მადიანად ილუკმები ორივ ყბით; თან თვალს არ აშორებ ნემსკავს. ჩიტებმა გაიღვიძეს, მხიარულად მოჰყენენ ჰიკჰის და ფრთების წმენდას. კოტამ იხტუნა ნაპირზე, მაგრამ, რომ დაინახა გრძელი ნემსკავი, გაფრინდა. ცისფერი კრიჰინები კრიჰინებენ და ტრიალებენ ზღვის ზედაპირზე. შორიდან ისმის ქარხანის საყვირის ხმა. მზე მალლა მალლა ამოდის და ლახათიანად იკბინება. იქნება ბიძა ჩემი ადგა კიდევ. ავკრიფე სათევზაო იარაღი და წავედი შინ.

ბიძიას დაეღია თავისი წყალი და საათს დაჰყურებდა.

— უთხარი, გეთაყვა, 15 წუთს შემდეგ ყავა მოგვიტანონ, — მითხრა იმან, აიღო ქუდი და წავიდა ზღვის პირას.

მე გავიცანი ერთი სამსახურიდან გამოსული მეზღვაური და მთელი ზაფხულით იმისაგან ხუთ მანეთად დავიჭირავე ნავი. ვიქეიფე!.. მთელ არხს გავივლი და შევდივარ ტბაში; იქ იალქნებს ავუშვებ და გავსურავ ნავით ტბაზე; ან მივიმალები



ხშირ ლერწმებში და წარმოვიდგენ, რომ შორს, შორს დასახლებულ ადგილებზე. როცა ქარი არა ჰქრის, ზღვაშიც ვებედავ შესვლას. ზღვა არ ლელავს, დამშვიდებული ტალღები არხვევენ ჩემ ნავს; დიდრონი ტიფები ფრთების ფრთხილით და ყვირილით დასრიალებენ ჰაერში და დაეძებენ საშოვარს.

ერთხელ დილა ადრიან ზღვის პირს მიმავალმა დავინახე ნაცნობი ადამიანი. ეს იყო ალფრედი. ქვაზე იჯდა და ვერ დამინახა. შეწუხებული სახე ჰქონდა და შორს გააყურებდა.

ნელა დაუძახე. შეკრთა და მოიხედა.

— ოჰ, თქვენა ხართ, ბ-ნო რუდოვცევი, — მითხრა ფრანგულად: — ვერ დავინახეთ. რა ადრე დგებით. შაერინები უფრო გვიანა დგებიან.

— ყოველთვის ადრე ვდგები, — უპასუხე მე.

გაეჩუმდით. მინდოდა მეთქვა რამე, ცოტად მაინც გამერთო ალფრედი, მაგრამ ვერა მოვიგონე-რა. ისიც ჩუმად იჯდა და თავის ჩექმების წვერებს დასცქეროდა.

ბოლოს ცოტ-ცოტად ლაპარაკი გავაბით.

— დიდი ხანია, რაც საფრანგეთიდან წამოხვედით?

— თითქმის ორი წელიწადია, სულ-კი ერთი წელიწადი უნდა დავრჩენილიყავ ამათთან. ვერ წარმოვიდგენთ, რა ძნელია ეს ჩემთვის!

— როგორ?

— ჩემი უფროსი ძმა მოურიგდა შაერინს და მითხრა, ერთი წლის შემდეგ დაბრუნდებო. მე სულაც არ მინდოდა აქეთ წამოსვლა. ჩვენ სამნი ძმანი ვართ და ორი და; უფროს ძმას ცოლი და ორი შვილი ჰყავს. როგორც ხედავთ, პატარა არ არის ჩვენი ოჯახი. მამა დიდი ხანია მოგვიკვდა; დედა კი ორი წელიწადია დაშლად არის. რიშარმა, უფროსმა ძმამ, გადასწყვიტა, რომ მე ფული უნდა მეშოვნა, რადგან ერნესტი ჯარში წაიყვანეს. ისე მოურიგდა რიშარი, რომ ვერც კი მოვასწარ რიგიანად გამოვთხოვებოდი საცოდავ დე-



და ჩემს და პატარა მარიეტას. ისეთი კარგი გოგონაა ჩემთვის! მეზობლის ქალია. დამპირდა, მოგწერო, როცა წერა-კითხვას ვისწავლიო. სულ პაწაწაა. საცოდავი დედაჩემი... ნეტა ვინ უფლის? ჩემი დები მთელი დღე ქარხანაში არიან; რიშარის ცოლიც თავის შვილებს უფლის.

ალფრედს თვალეში ცრემლი მოერია, პირი მიიბრუნა და გაჩუმდა.

— არ გინდათ ნავეთ გავისვირნათ? — შევთავაზე მე.

ეტყობოდა იამა.

— დიდის სიამოვნებით! რაც მარსელიდან წამოვედი, ნავეთ აღარ მივლია.

საჩქაროდ არხთან მივედით, მოვხსენით ნავეთი და გაუდგე-ქით გზას. ზღვა დამშვიდებული იყო. ჩვენ ტბისკენ მივდიოდით, ნახევარ საათს უკან გავშორდით რკინის გზის ახალ ხიდს და მივცურავდით ლერწმებ შუა.

ალფრედმა პირველმა შესწყვიტა სიჩუმე.

— დედა ჩემი თითქოს გრძნობდა ჩვენ განშორებას. უკანასკნელ დროს ხშირად მეძახდა თავისთან. ლაპარაკი აღარ შეეეძლო, მარცხენა ხელს დამიქნევდა, თვალით მანიშნებდა, რომ გვერდს მოვჯდომოდი. მოუჯდებოდი. ხელს ტუჩებზე მომისვამდა, — ვითომ მელაპარაკეო, ხელს ხელზე მისვამდა და დამაშტერდებოდა. თვალეები ისეთი ნაზი და მწუხარე აქვს... მომიტყვევ, იქნება თავი მოგაბეზრეთ ჩემი ლაპარაკით?..

— არა, არა, გეთავა. განაგრძეთ!

— რა ვქნა, არაეინა მყავს, რომ გულ-ახლით ველაპარაკო. ბოლოს შევეჩვიე და ადვილად მესმოდა, რასაც მანიშნებდა დედა ჩემი... არ დაიჯერებთ — შარლოლას, ჩემი ძმის ცოლს, ხელსაც დაუქნევდა. თითებიც მანიშნებდა, მაგრამ ვერას გააგებინებდა; მე-კი, როგორც შემომხედავდა, მაშინვე მივხვდებოდი რაც უნდოდა. ყველაფერს უკეთებდი; მერე მოუჯდებოდი გვერდით და ვუამბობდი რაც მთელი დღის გან-

მელობაში მომხდარიყო: ან ტყეში როგორ წავედი, როგორ დაენახე, რანაირი ყაყაჩო იშლება ბოსტანში, მელი წიწილა მოსტაცა ყვავმა მარიეტას—სულ, სულ, სუყვე-ლაფერს; ის-კი, საცოდავი, დამიქერდა ხელს და შემომყურებდა.

აღფრედი დაჩუმდა და სწრაფად მოუსვა ნიჩბებს.

— რა სასტიკად მომექცა რიშარი, — დაიწყო პატარა ხანს უკან აღფრედმა: — რომ მომატყუა და ერთის წლით კი არ მიმცა, არამედ რამდენ ხანსაც დაერჩებოდი. ვერ წარმოიდგენთ რა დამემართა, როცა ერთის წლის შემდეგ რიშარი მწერდა. რომ ისევ შავრინებთან უნდა დავრჩენილიყავ. სასო-წარკვეთილება მეუფლა: მეგონა ვერ ვიცოცხლებდი, და მეორე დღეს გავექცეო.

— რად გავექცეით?

— განა შავრინებმა არ გიამბესთ? ოღონდ საზღვრამდე მივალწიო და მერე შინამდინ ადვილად მივალ. შორს არ ვიყავ, მაგრამ-კი ვერ მივედი. არა უშავს-რა, კიდევ ვიპოვი დროს...

— შინც, როგორ გავექცეით? შიანბეთ.

— საამბობიც არა არის რა. დილით ადრე ავდექი. შავრინებს ეძინათ... თავში ფიქრმა-კი გამიბრინა, შინდო-და ცეცხლი მომეკიდებინა გამომშვიდობებისას იმათი სახლის-თვის. გადავწყვიტე, რომ ეს არ ივარგებდა. სახლი იმათი არ არის, — უდანაშაულო ადამიანი დაისჯებოდა. სურვილი მქონდა... მაგრამ ვიფიქრე, რომ ყოველ შემთხვევაში ჩემი საქციელი — უკადრისია... სულმდაბლობა იქნებოდა...

რკინის გზის ლიანდაგს გავყვევ, მხოლოდ მოშორებით, რომ არავის დავენახე და არ დავეჭირე. მთელი დღე ვიარე: ძალიან ცხელი დღე იყო. ერთ ქაობში კინალამ ჩავიფალ, მთლად ამოვითხუპნე და შარვალიც დავიხიე.

სალამომდინ ხეტიალში ფეხები დამიბურცდა და სისუსტე

ვიგრძენ. შევედი სადღაც ტყეში, უალაგო-ალაგას მთებში და ბალახზე და იქვე დამეძინა. დილით ვიგრძენ, მოშლილი ვარ: ხახა გამიშრა, საშინლად მწყუროდა და მშინოდა. ძლივს წამოვდექ და მივლონლილდი სადგურამდე წყლის დასალევად და პურის საყიდლად. ცოტა ფული მქონდა.

სადგურთან რომ მივედი, ვიღაც კაცმა დამინახა და დაივირა: „ის არის, ის არის სწორედ! დაიჭირეთ!“ მე გავიქეცი. ორი დარაჯი გამომიდგა. საიდან მოვიკრიფე ღონე? გზას არ ვარჩევდი, მივფრინავდი უფიქრელად, მხოლოდ ერთს ვგრძნობდი, თუ დამიჭერენ, საშველი აღარ მექნება მეთქი. დიდხანს არ მირბენია; უცბად არხს მივადექი; ვისკუბე და გადავბტი. მერე ბუჩქნარი დაიწყა... აქ-კი გათავდა ჩემი სირბილი: ეს იყო კუნელის ღობე. შემეძლო არხის ნაპირ ნაპირ გავქეულოყავ, მაგრამ მოსაზრება აღარა მქონდა და თან-და-თან ეკლიან ბუჩქებში შევდიოდი. ეკლებმა ტანისამოსი და ტანი დამიგლიჯა; ხელები და სახე გასისხლიანებული მქონდა და მაინც ამ ბუჩქებს არ ვშორდებოდი.

დარაჯებმა დამიჭირეს, მე-კი ძალას ვხმარობდი და ვყვიროდი: „გამიშვით! გამიშვით!.. მეთქი“ იმავე დღეს მიმიყვანეს შავრინთან, რომელმაც გამომიცხადა, რომ რაც ჩემ საძებნელად ფული დახარჯა, სულ გამომირიცხავს ჯამაგირიდან და ერთი თვის განმავლობაში არც ჩემებთან წერილის დაწერის ნებას მომცემს და არც იმათგან მონაწერის მიღებისას. ამის შემდეგ ხშირად მსჯიდნენ ამ სასჯელით. ისინი ამბობენ, რომ კარგი აღვირი იპოვეს ჩემთვის და მართალნიც არიან, რადგან შიშით, რაც ნებავთ, ყველას უსრულებ.

აღფრედი დაჩუმდა და ისევ სწრაფად მოუსვა ნიჩბებს.

— გახსოვთ, — დაიწყო იმან, — შავრინმა რომ მითხრა, სალამოზე ჩემთან შემოდით. იმან დამტუქსა და ისევ ამიკრძალა დედასთან წერილის მიწერა. ძალიან-კი სცდება, — ცხარედ განაგრძო აღფრედი, გადაყარა ნიჩბები და გაჯავრებით ჩაჰკიდა თაფ, — დიად, ძალიან სცდება, თუ ოცნებობს, რომ

სრულიად დავმორჩილდი. რაც უნდა მომივიდეს, შიმშილი, მოკვდები და მაგათთან არ დავრჩები. რას მიშვრება!.. რისთვის გამოსადეგი ვიქნები უცოდინარი?.. როცა კარგად იყო, დედა მეუბნებოდა: „ისწავლე, ფრედი. როცა გაიზღები, დაქვიანდები, დედას დაეხმარები“. . . ახლა? აგერ თოთხმეტი წლისა ვარ და მხოლოდ წერა-კითხვა ვიცი და ანგარიში... კიდევ რამდენიმე წელიწადი, და აღარაფრისთვის გამოსადეგი აღარ ვიქნები. ვინ მიმიღებს? ყველა იტყვის: მუშაობა არ იცის, სასწავლებლად აღარ ვარგა — დიდია. სად წავიდე? არა, გავიპარები. ცუდი გზა ავირჩიე: სჯობია ზღვის ნაპირ-ნაპირ წავიდე, უფრო მოკლედაც მოვჭრი, აღარც გზა დამეზღვევა... აჰ, ამისთანა ნაფი რომ მქონდეს! მოეუცდიდი კარგ ქარს, აუშვებდი იალქნებს და თვალსაც ველარ მომკრავდნენ...

— რომ დაიხრჩოთ?

— რა სათქმელია! მშვენიერად ვიცი იალქნების ხმარება. მარსელში ხშირად დავდიოდი ზღვაში, ძალიან შორსაც, რობერტ ნელენთან — მენავეა, სამსახურიდან დათხოვნილი მეზღვაური. რომ დამხვრჩვალავიყავ კიდევ, რა დიდი რამ მოხდებოდა. განა სიკვდილი ეგრე საშიშია?

აღფრედი ჩაფიქრდა და ოდნავ ანძრევდა ნიჩბებს. ნაფი ნელა მიტურავდა ტბაში. მზე მალლა იყო და კარგა გვაცხუნებდა.

— კარგა გვიან არის, — შევნიშნე მე, — შავრინები ძებნას დაგიწყებენ.

— დიალ, დროა შინ დაებრუნდე, — დაფიქრებით სთქვა აღფრედმა, — თუმცა იმათ ისევ ეძინებათ, მაგრამ დაშურება სჯობიან.

მე იმასთან გადავჯექი, ორივემ მოუსვით ნიჩბებს ხელი, ნიფი სწრაფად წიდიოდა, შრიალით არღვევდა წყალს და ქაფიან კვალს სტოვებდა. ხმა-ამოუღებლოვ მიველით ჩვენ ნაფ-სადგურთან; გავედით ნაპირზე; მეგობრულად გამოვეთხოვეთ ერთმანეთს და თავ-თავის გზას გაუღდექით.



III

ალფრედის ამბავმა ძალიან ამაღელვა. ამ ამბის წინად „ბიძია ტომის ქობში“ წაკითხულმა მონების საშინელ ტანჯვის მოთხრობამ გამიტაცა და უცბად ასე ახლო დაინახე ისევ მონა, მხოლოდ თეთრი მონა...

შინ ვეშურებოდი; მინდოდა მეამბნა ბიძა ჩემისთვის, რა კაცი იყო შავრინი.

— ბიძა ჩემო, იცი რა საძაგელი ყოფილა შავრინი!— დაეცვირე მე შესვლისათანავე.

— ჯერ ერთი, მე შენთვის რამდენჯერ მითქვამს,— შემაწყვეტინა ბიძა ჩემმა,— უფროსზე ევრე არ უნდა ილაპარაკო, თუმც მართლა ცუდი იყოს; მეორე, თუ რაღა გაქვს სათქმელი, ყუმბარასავით-კი არ უნდა შემოვარდე ოთახში, დალაგებით უნდა სთქვა. აბა, შიამზე რა მოხდა.

აღელვებით ვუამბე, რაც ალფრედმა მითხრა.

— ჰმ... ჰმ...— განაგრძო ბიძა ჩემმა,— მე ვხედავ, რომ შენი ალფრედი ჯერ განუვითარებელია, არ ესმის, რომ, რაკი ფულს იღებ და სხვის ლუკმასა სკამ, უნდა იმუშაო კიდევ. რასაკვირველია, მებრალემა ჩვენი პატარა ფრანგი, მაგრამ რას იზამ? სიცოცხლე დღესასწაული არ არის: უნდა იშრომო.

— ბიძია, შავრინები რაღად ცხოვრობენ თავის ნებაზე? რად იყიდეს ალფრედი როგორც მონა და სიცოცხლე სასჯელად გადაუქციეს?..

ბიძა ჩემმა გაჯავრებით ხელეგი გაიქნია და ზიზლით დაიღრიჯა...

— რა ჩვეულება გაქვს, ალექსი, რომ ბუხს აქლემად აქცევ ხოლმე. შენ ძალიან კარგად იცი, რომ ალფრედი მაინც და მაინც დასჯილი არ არის— რიგიანად აქმევენ, მართებულად აცმევენ და შედარებით ადვილ სამუშაოში ფულსაც აძლევენ. ისღა აკლია ახლა შავრინს, რომ ალფრედსაც მას-



წავლებელი დაუქიროს. თითონ ალფრედი ძალიან ცუდად იყავა რულებს თავის მოვალეობას: აქამომდე ვერ შეეჩვია ვერც პეტოს და მისგან მხოლოდ ეს ესმით: „ნუ გამომიყვანთ მოთმინებიდანო.“ რასაკვირველია, ყმაწვილები დასცილიან... უმჯობესია, უბძანე წყალი მომიტანონ, — დაათავა ბიძაჩემმა და საათს დახედა.

ისე მებრალეობდა საწყალი ალფრედი, რომ დიდხანს ვერ დაეშვიდდი. ხშირად გამახსენდებოდა ხოლმე იმისი გაქცევა, დევნა დარაჯებისგან, რომელნიც ხელსა სტაცებენ, — მისი გამბდარი, აკანკალებული ტანი და იმისი ყვირილი: „გამიშვიო... გამიშვიო“.

კიდევ რამდენჯერმე ვისეირნეთ მე და ალფრედმა ნავით. უფრო და უფრო ხშირად ჩამოაგდებდა ხოლმე ლაპარაკს გაქცევაზე. ვხედავდი, რომ ძალიან უნდოდა ესარგებლნა ნავით, რომლითაც დაესეირნობდით, მაგრამ ნავი თხუთმეტი მანეთი ღირდა და ალფრედს-კი ფული არა ჰქონდა და დაღვრემილი და შეწუხებული დადიოდა.

ერთხელ ადრე გამოვედი სასტუმროდან; დავინახე ჩემკენ ჩქარა მომავალი ალფრედი, სახე უბრწყინავდა სიხარულით.

— ფული ვიშოვე! — მიყვიროდა შორიდან, — მოვახერხე.

— საიდან? როგორ?

— დედამ რომ საათი მაჩუქა, გავყიდე და ზოგი ტანსაცმელიც; თერამეტი მანეთი მაქვს.

— ალფრედ! ის საათი ისე ძვირფასად მიგაჩნდათ და როგორ გაიმეტეთ გასასყიდად?

— სამუდამოდ არ გამოიყენია. მესაათე დამპირდა, რომ დამიბრუნებს, როცა ფულს მივუტან, თუნდ ერთი წლის უკან.

— ეჰ, ალფრედ, გატყუებს! აბა მთელ წელიწადს რად შეინახავს? გაჰყიდის.

— არა, დამპირდა, არ გავყიდო. რად მომატყუებს? წავიდეთ ნავის სასყიდლად!



— გამიგონეთ, ალფრედ, — ვუთხარი მე: — ნუკრინსაშენსაში გას. სჯობს მოითმინოთ. ბევრი, ბევრი — ორი წლის შემდეგ უეჭველად დაბრუნდებით საფრანგეთში; იქნებ უფრო ადრეც. ელაპარაკეთ შავრინებს: ისწავლიან და მაშინ, რასაკვირველია, აღარ შეგინახავენ. აბა მოიფიქრეთ; საზღვრამდე შორს არის; ქარიშხალია რომ მოგასწროთ... ვერც საფრანგეთს ნახავთ, ვერც დედას და ვერც მარიეტას. დარწმუნებული ვარ, ცუდს ვიხამ, რომ არ დაგიშალოთ გაპარვა. ძალიან მინდა ყველაფერი ვუამბო შავრინს და ამით დაგიშალოთ თქვენი განზრახვა.

— გამიგონეთ, — დააბრიალა თვალები ალფრედმა, — ეგ ხომ უპატროსნება იქნება თქვენდამი ჩემი ნდობის შემდეგ. გაპარვას მაინც-კი ვერ დამიშლით. რაც უნდა მოხდეს — წავალ, თუნდ ამისთვის ნავის მოპარვაც დამჭირდეს.

— დამშვიდდით, ალფრედ, არავის არას ვეტყვი; მაგრამ მინდა-კი კარგად მოიფიქროთ თქვენი განზრახვა, მანამ აასრულებდეთ.

ალფრედი ჩაფიქრდა.

— კარგი, — მითხრა ალფრედმა, — ორი კვირით გადავდებ, მაგრამ ჩემი გადაწყვეტილება თუ არ შეცვალა, ტყუილად ნუ გამაჩერებთ.

ამით გავათავეთ.

ექვსი დღის შემდეგ სასტუმროს მსახურმა მომიტანა ბარათი, რომელიც დილა ადრეიან მისთვის ალფრედს მიეცა.

„მაპატიეთ ღვთის გულისთვის, რომ თქვენი ნდობა შევლახე, მაგრამ აღარ შემძლია მონობის ატანა. როდესაც ამ ბარათს წაიკითხავთ, მე შორს ვიქნები; ჩემთვის საჭირო ქარი ჰქრის. ნუ გამიწყურებით. მშვიდობით. იქნება როდისმე შევხვდეთ ერთმანეთს. თუ შინამდის მშვიდობით მივალწივ, მოგწერთ. —

თქვენი ალფრედ ლარინო.“

ოდნავ გადავავლე თვალი ბარათს და გავიქეცი წაგონებულნი გურთან; მაგრამ გვიან-ლა იყო: ნავი იქ აღარ დამხვდა. ჩემ კითხვაზე მენავემ მიაპბო, რომ წინა დღეს აღფრედმა ნავი იყიდა თოთხმეტ მანეთად და დღეს დილა-ადრიან სადღაც წავიდა.

შინისკენ დავბრუნდი. გულზე თითქოს ლოდი მომაწვა. რაღაც დანაშაულს ვგრძნობდი. ჩემის აზრით უფრო მტკიცედ უნდა დამეშალა და აღფრედი არ წავიდოდა, მით უფრო, თუ შავრინს უამბობდი ყველაფერს. გულში-კი რაღაც იმედი მიღვიოდა: ეგებ მშვიდობით მიაღწიოს შინამდინ მეთქი.

სეირნობის გუნებაზე არ ვიყავ. შინ დავბრუნდი და წიგნის კითხვა დავიწყე. ამანაც ვერ გამართო. ბიძა ჩემი შინ არ იყო: რაღაცასთვისაც ქალაქში გასულიყო. სადილად დაბრუნდა და, როგორც შემოვიდა, დაიძაბა:

— წარმოიდგინე, შავრინიანთ აღფრედმა რა ქნა: გაიქცა! წერილიც რომ დაუტოვა, — მივდივარო. გზაში შემხვდა შავრინი — პოლიციაში ყოფილიყო გამოსაცხადებლად. შფოთავს, აღარ იცის რა ქნას. ამბობს, თუ დავიჭირე, გავწყებლავო. ეს მეორედ გაიქცა.

სალამოზე სასეირნოდ წავედი. ქარი გაძლიერდა. არხთან მივედი და ზღვისკენ შეუხვიე. რამდენიმე ნაბიჯი გავიარე ჭვის ყორეზე და მივედი დარაჯის სახლთან. მივეყუდე კედელს და ქუდი ხელით დავიჭირე, რომ ქარს არ მოეტაცნა.

ზღვა ღრიალებდა. უშველებელი ტალღები საშინელი ხმაურობით ეხეთქებოდნენ ჭვებს და მაღლა ცისკენ ქაფიან წინწყლებს ისროდნენ. დიდხანს ვიდექი კედელზე მიყრდნობილი, ტუჩები უნებლიედ ჩურჩულებდნენ „ოჰ, აღფრედ, აღფრედ!“.

შინ დავბრუნდი თუ არა, დავლიე ჩაი და დავწყქ დასაძინებლად; მაგრამ არ შეძინებოდა. მწოლარე ყურს ვუგდებდი ქარის ზუზუნს, რომელიც უფრო და უფრო ძლიერდებოდა; გრიგალი იწყებოდა.



ბიძა ჩემიც შემოვიდა და დაიწყო ტანთ ზღვარდნაზე,
რომ არ მიძინავს და მითხრა:

— რა ქარიშხალია, რა გრიგალია! ღმერთმა ყველა დაიფაროს ახლა ზღვაზე მგზავრობისაგან.

თითქო ბიძა ჩემის სიტყვის დასამტკიცებლად ქარმა მძლავრად დაჰბერა და სახლის სახურავმა დაიღრიალა. ველარ შევიკავე თავი და ქვითინი დავიწყე.

— რა დაგეშართა? დაფაცურდა ბიძა ჩემი, — დამშვიდდი, როგორ შეიძლება ეგრე აღელვება! აჰა, წყალი დალიე!

ბიძა ჩემი რალაც წვეთებს ასხამდა წყალში და მასმევდა; ასე რამდენჯერმე, ძალიან მოუსვენრად იყო, მანამ გულ-ამომჯდარმა არ ვუამბე, რომ ვიცოდი აღფრედის განძრახვა. ბიძა თანაგრძნობით მიგდებდა ყურს, მაგრამ მაინც ორჯელ გაჯავრდა — აღფრედისაგან საათის გაყიდვისა და ნავის ყიდვის გაგონებაზე. რადგან მეტის-მეტად ვლელავდი, გაჩუბდა და ისევ ის წვეთები დამალევინა. ბოლოს ორივენი დაგწექით; ბიძამ სანთელი გააქრო.

დილით ზღვის პირას რომ გავედი, ქარი დამშვიდებულიყო, მხოლოდ შემფოთებული ტალღები მოგორავდნენ, ხმაურობით ეჯახებოდნენ ნოტიო ქვიშას და აფრქვევდნენ ქაფს. მზე ანათებდა და აღერსიანად მათბობდა.

სასტუმროდან ნახევარ ვერსის სიშორეზე შეენიშნე ხალხის გროვა, — რალაცას ინჯავდნენ. მივედი იქ და დავინახე ქვიშაზე ნავი. ქვიშაში ჩაქედლილიყო და ზღვის შავი ბალახით იყო შეპორობლილი; საკე აღარა ჰქონდა, ანდა გასტეხოდა. მაშინვე ვიცანი, რომ ის ნავი იყო, რომლითაც მე და აღფრედი დავდიოდით.

— წარმოიდგინე, ალექსი, — მითხრა ბიძა ძემმა, შინ რომ მოვედი თვალ-ცრემლიანი, — შენი აღფრედი ცოცხალია!..

— აღფრედი ცოცხალია?!.

— ცოცხალია! წუხელის გემი მოსული და ამბობენ, რომ

აქედან ოც ვერსზე უპოვიათ ფრანგი. საწყალს ღონე
 ლეგია და ნაეიც წყლით ავსებია.

ძლივს უჯერებდი ჩემ ყურებს: ბიძა ჩემი-კი საჩქაროდ
 დაწვრილებით მიაშობდა აღფრედის ამბავს.

— შაერინს უბარიან, რომ ცოცხალი გადარჩა აღფრე-
 დი. დეე წავიდეს თავის ქვეყანაში მშვიდობით,— ამბობდა
 ის,— იმის გულისთვის მთელი ღამე არა მძინებიაო. აღარ შე-
 მიძლიან! ღმერთმა გზა დაულოკოსო!

— როდის მიდის აღფრედი?

— ხვალ! შაერინმა ბილეთი კიდევ უყიდა.

მეორე დღეს „თეთრი მონა“ თავისუფალი იყო.

თარგმ. ელ. ანტონოვსკისა.





საქართველოს
წიგნების კავშირი

მამა და შვილი.

სამუშაოდ წასვლა.



შ ვ ი ლ ი.

მამილო, მამი!.. ასე აღრიან
რისთვისა დგები ცისმარე დილით?
მითხარი, მითხარ, ჩემო ძვირფასო,—
რას დამაგქერდი მწარე ღიმილით?

მ ა მ ა.

ეჰ, შვილო, რა გითხრა...
იზარდე, იხარე;
შემდეგაც გეყოფა
ცხოვრებეს, სიმწარე.

შ ვ ი ლ ი.

მამილო, მამი!.. ტკბილო მამიკო!..
ნურსად ნუ მიხვალ... დახურე კარი...
მოდე გენაცვა, დაწექ, მომიყე
სუნსულა კუდა-მეღას ზღაპარი.

მ ა მ ა.

ეჰ, ზემო ბიჭიკო,
 მავის დრო სად არი...
 აგერა! — შეძახის
 დუხტირ-შრომის ზარი.

გ. ქუჩიშვილი.





მემაშულე.

გ

ვარში გაჩაღებული რთველი იყო. ყურძნით სავსე ურიცხვი გოდრები ზედი-ზედ მიდიოდა საწნახელისკენ და ტბილის ნაკადული შხრიალ-ხრიალით ტოტ-ტოტად იფინებოდა რიგზე ჩამწკრივებულ ურშიან *) ქვევრებისკენ.


მემაშულე ნაღვლიანი სახით გაჩერებულიყო ერთ ადგილს და მწარე გამომეტყველებით უცქეროდა ყურძნის მკრეფა-ვეებს...

— რა დაგმართებია, რას დაძმარებულხარ, — ჰკითხეს მას მომუშავეთ, — თითქო ეს ამოდენა მოსავალი სხვის ჯიბეში ჩადიოდეს და არა შენ მარანშიო?

— აბა მეც სწორედ ის მაწუხებს, რომ ჩემს ქვევრებში ჩასული ღვინო მხოლოდ სხვის ჯიბეს აესებს.

ალ. მირიანაშვილი.

*) ურშიანი ქვევრი — დიდი ქვევრი, — რამელშიაც ჩადის სამი საპალნე, ანუ 135 რუსული ვედრო.



ბეთხოვენის სიკვდილი.

(თავისუფადა თარგმანა ფრანგულიდან)



ბეთხოვენი მხოლოდ ერთი წამით იყო ბედნიერი, და ამ ბედნიერმა წამმა ბოლო მოუღო მას...

მთელ თავის სიცოცხლეში ღარიბად. მახლობლების ზიზღის გამო განმარტოებულად ცხოვრობდა. ამ პირობებში მან შექჰმნა მშვენიერი მუსიკა. თავის შემოქმედებაში ესაუბრებოდა იმ ადამანთ, რომლებიც თავის ყურადღების ღირსად არ სთვლიდნენ, ისე როგორც ბუნება ესაუბრება ადამიანს ზეციური ჰარმონიით: ქარის ქროლით, წყლის ჩუჩუნებით, ჩიტების ჭიკჭიკით.

ბეთხოვენი ნამდვილი ღვთის წინასწარმეტყველი იყო, რადგანაც მხოლოდ ის ღაპარაკობდა ციური ენით: მიუხედავად ამისა, მისი ნიჭი იმდენად უცნობი იყო, რომ არა ერთხელ ეკვი შეჰპარვია თავის გენიოსობაში, რაც არტისტისთვის საშინელ ტანჯვას წარმოადგენს.

ბეთხოვენს ჰყვანდა ერთი მეგობარი, გვარად იუმელი. ის სრულებით უმიზეზოდ შემოსწყრა იუმელს და კარგა-ხანს მეგობრები ერთმანეთს არა ხედავდნენ. ერთი უბედურება თავს



დაატყდა კიდევ ბეთხოვენი: ის სრულებით დაყოფილი ბეთხოვენი გაემგზავრა ბადენს, სიდაც სცხოვრობდა მთაწკნის მარტოობაში პატარა ჯამაგირით, რომელიც ძლივს ჰყოფნიდა. ერთად-ერთი მისი სიამოვნება იყო სეირნობა მახლობელ ტყეში და იქ, მარტოდ მინდობილი თავის გენიას, ჰქმნიდა შეუდარებელ სიმფონიებს; აღფრთოვანებული, მთელ თავის არსებით ჰფრუნდა ცის სივრცეში, და იქ ერთსრულგზოდა ანგელოზებს ადამიანებისათვის გაუგებარი მშვენიერი ენით.

ზეციურ ქვეყანაში გართული, ის ერთმა წერტილმა ძალიანებურად დაბრუნა ამ ქვეყანად, სადაც ახალი უბედურება ელოდა. მისი ძმისწული, რომელსაც ბეთხოვენი ზრდიდა და ძლიერ უყვარდა, ატყობინებდა, რომ ვენაში ერთ არა-სასიამოვნო საქმეში გაერია და რომ მხოლოდ ბიძას შეეძლო მისი ხსნა.

ბეთხოვენი გაუდგა გზას და ხარჯის შესამცირებლად გაიარა ერთი ნაწილი გზისა ფეხით. ერთ საღამოს შეჩერდა ვილაკას უღამაზო სახლის წინ და მასპინძელს ბინა სთხოვა; ვენამდე კიდევ რამოდენიმე ვერსი დარჩენოდა გასაველი, მაგრამ ღონე არ შესწევდა განეგრძო მოგზაურობა ღამით. მიიპატიჟეს. მიიღო მონაწილეობა ვახშაშში და შემდეგ ბუხრის ახლოს დაჯდა სახლის პატრონის სავარძელში. როდესაც სუფრა აალაგეს, მასპინძელმა გააღო ძველი პიანო; იმისმა ვაეებმა აიღეს ხელში სამუსიკო იარაღები; დედა და ქალიშვილი-კი შეუდგნენ სხვა-და-სხვა საოჯახო საქმეებს. მამამ დაიწყო და შემდეგ შეიღებთან ერთად, მწყობრად შეასრულა გენიალური მუსიკა, რომელიც მხოლოდ გერმანელთაქვე მინიჭებული.

სწიანდა, რომ ძლიერ აინტერესებდათ, რასაც უკრავდნენ, რადგანაც მთელი თავისი არსებით ეძლეოდნენ მუსიკას. დედამ და ქალიშვილმა მიანებეს თავი ხელსაქმეს, რომ მუსიკის-სთვის ყური დაეგდოთ. სახეზე ყველას რაღაც ტკბილი გრძნო-



ბა ეხატებოდათ, ეტყობოდათ, რომ მათი არსება შეპყრობილი იყო ამ საუცხოო ხმებით.

ბეთხოვენის მონაწილეობა ამ კონცერტში გამოიხატებოდა მხოლოდ იმაში, რასაც თვალთ ხედავდა, რადგანაც არც ერთი აკორდი არ ესმოდა; უცქერდა მემუსიკეთა მოძრაობას, მათი სახის გამომეტყველებას, რომელიც ნათლად ამტკიცებდა გრძნობათა სიუხვეს.

სიმფონია რომ გაათავეს, მემუსიკეებმა ალტაცებით ჩამოართვეს ერთმანეთს ზელი, თითქოს უნდოდათ ერთმანეთისთვის ეგრძნობინებინათ ბედნიერი წამები.

ჭალიშვილი ტირილით გულში ჩაეკრა დედას. გეგონებოდათ, თითქოს ერთმანეთის აზრი გაიგეს; ხელახლა აიღეს თავიანთი იარაღი და დაუკრეს.

მეორე კონცერტმა უმაღლეს წერტილამდე აიყვანა მათი გრძნობები, ყველას თვალები ცრემლებით ავესო, ღრმა გრძნობით უბრწყინავდა.

— ჩემო მეგობრებო, — სთქვა ბეთხოვენმა, — მე უბედური აღამიანი ვარ, რადგანაც არ შემიძლია მონაწილეობა მივიღო ამ სიამოვნებაში, რომელსაც თქვენ განიცდით, მით უფრო, რომ ძლიერ მიყვარს მუსიკა. ვგონებ თქვენც შემატყვევთ, რომ ყრუ ვარ. ნება მიბოძეთ გადავთვალაიერო ის ნოტები, რომლებმაც ასეთ ალტაცებაში მოგიყვანათ.

ამ სიტყვების შემდეგ მან აიღო რვეული ხელში, მაგრამ მაშინვე თვალები დაუბნელდა, სუნთქვა შეეკრა, დაიწყო ქვიტინი და გაავლო ხელიდან რვეული. თურმე ის, რასაც მასპინძელი უკრავდა თავის შვილებთან ერთად, იყო „აღლევგრეტო“ ერთ-ერთ ბეთხოვენის სიმფონიისა. სტუმრის გარეშე მომთელმა ოჯახმა მოიყარა თავი; სახეზე გაკვირვება და ცნობის მოყვარეობაც გამოეხატა ყველას; რამოდენიმე წუთის განმავლობაში სტუმარს ცრემლები ყელში მოადგა და სიტყვა ვერ წარმოსთქვა. შემდეგ წაიხურჩულა: „მე ბეთხოვენი ვარ.“

მასპინძლებმა დიდის მოწიწებით თავი დაუკრეს დიდებულ



კომპოზიტორს; ბეთხოვენი კი ხელს უწვდიდა მათ უკანასკნელნი ჰკოცნიდნენ, რადგან კარგად ესმოდათ, რომ მათი სტუმარი გვირგვინოსანზე მეტად სათაყვანებელი იყო.

ბეთხოვენის ბრწყინვალე თვალეში ისინი ეძებდნენ ციურ ნაპერწყლის ნიშნებს, გენიოსობას.

შემდეგ დიდებული კომპოზიტორი უცბად მიუჯდა პიანოს, ანიშნა მასპინძლებს აეღოთ თავისი იარაღები და თვითონ შეასრულა თავისი საუცხოო მუსიკა.

თავის დღეში არც ერთი მუსიკალური შემოქმედება არ ყოფილა ასე მშვენივრად შესრულებული.

გაათავეს! მაგრამ ბეთხოვენი მაინც არ მოშორებია პიანოს და შეუდგა სხვა-და-სხვა მელოდების იმპროვიზაციას. ჯერ გამოუტყვევებელ მუსიკას.

ეს იყო მისი უკანასკნელი აკკორდი.

მასპინძელმა ბეთხოვენს თავისი ლოგინი დაუთმო; ამ ღამეს მას სიცხე მისცა, ჰაერი აკლდა, წამოდგა და ფეხშიშველი გავიდა სოფლად. როდესაც შინ დაბრუნდა, საშინლად გააცოცხა. აფრინეს კაცი ვენაში ექიმის მოსაწვევად. ექიმის აზრით, მას ფილტვების ანთება აღმოაჩნდა და თუმცა თავგანწირულად უვლიდნენ, ორი დღის შემდეგ განაცხადა, ბეთხოვენი ვერ მორჩებაო.

მართლაც თვითველი წამი სიცოცხლეს უსპობდა.

როცა ბეთხოვენი ჰბოდავდა, ვილაც უცნობმა კარი შემოაღო და შემოვიდა; ეს იყო იუმელი, ბეთხოვენის ერთადერთი მეგობარი; მას შეეყო ბეთხოვენის ავადმყოფობის ამბავი და წამოსულიყო მის მოსაველეად და დასახმარებლად.

მაგრამ, საუბედუროდ, გვიანლა იყო: ბეთხოვენს უკვე ლაპარაკიც უძნელდებოდა. მან მხოლოდ თვალეების მეტყველებით მადლობა გადაუხადა იუმელს.

იუმელი მიუახლოვდა და თანაგრძნობა გამოუცხადა



ავადმყოფს. ბეთხოვენი თითქოს გამოკოცხლდა, თვალსაშუალო
 უბრწყინდა და წარმოსთქვა: ხომ მართალია, იუმელ, რომ მე
 ნიკი მკონდა?

ამ სიტყვებით გამოესალმა წუთი სოფელს დიდებული მე-
 მუსიკე.

ან. ივანიშვილი.





საქართველო.

(რწმუნანი და ზეკულებანი).

ქვეყნის შექმნა.



ეთე საუკუნეში გადაწერილ წიგნში ქვეყნისა და კაცის შექმნის შესახებ ვრცელი მოთხრობაა მოქცეული. მოგვყავს მოკლედ შინაარსი ტექსტისავე სიტყვით.

პირველსავე დღეს ღმერთმა გააჩინა ცანი, ზესკნელნი და ქვესკნელნი—ქვეყანაჲ, და წყალნი, რომლისაგან არს თოვლი, მყინვარი, სეტყუაჲ, თრთვილი და ცუარი, კვალად შექმნა სულნი მსახურნი, რომელ არიან ანგელოზთა პირნი: ანგელოზნი მადიდებელნი.

ანგელოზნი ქართანი, რომედნი ჰბერვენ,
ანგელოზნი დრებუღათანი, ნისღისანი, სეტყვისანი, თოვლისანი და თრთვილისანი,
ანგელოზნი კმისა ქუხილისანი და კღვისანი,
ანგელოზნი ცავისანი და ცეცხლისანი,
ანგელოზნი ზამთრისანი და თესვისანი,
ანგელოზნი არესანი და ზაფხულისანი
და უოკედნი სუღნი დაბდებუღათანი



ცათა შინა და ქვეყანასა ზედა,
 უფსკრულთანი და ქვეშე ქვეყანასანი,
 ვაჯობთეთისანი და წარსწყმედელასანი,
 ბნელისანი და ნათელასანი.

თუ რისთვის ღმერთმა ადამიანი ყველა ქმნილებაზე გვიან დაბადა, ამასაც გვიხსნის იგივე მოთხრობა: წიგნი.

„რახსათვს დაებადა კაცი უკანასკნელ ყოველთა?

არღა იყო ჯერედ დაბადებული ესე, — კაცსა ვიტყვი, — ჰოვნილ შვენიერებასა შინა არსთასა, რამეთუ არ ჯერ იყო, რათა გამოჩნდეს მთავარი უწინარსს სამთავროსა მისისა, არამედ ჯერ იყო ქეშმარიტად, რათა განიზხადოს სამეუფოა პირველ და მაშინღა გამოჩნდეს მეფე.

და განიზხადა დამბადებელმან სამეუფოა: ქუეყანაჲ, ზღუეაჲ და ხერთვისნი და ესე ცაჲ, რომელი არს მაგრილობელ მათზედა, და იუნჯა საუნჯესა ამას ყოველი სიმდიდრს, ე. ი. არს სიმდიდრს ყოველთა მცენარეთაჲ და ნერგთაჲ და ცხოველთაჲ, და ყოველნი ესე სულ და საშუმინველ... სიმდიდრს ბუნებათაჲ და რომელი მათგან განშუენდების წინაშე თუალთა კაცისა მსკავსებაჲ ოქროასაჲ და ვერცხლისაჲ და ესე ქვანი პატიოსანნი და ბრწყინვალენი, რომელნი საკვირველად ჩანელ წინაშე კაცთა. რამეთუ ესე ყოველითურთ დაიუნჯნეს კაცისათვის უბესა შინა ქვეყანისასა, ვითარცა საბოძვარნი მეფეთანი.

და ამასა შემდგომად გამოაჩინა სოფელსა შინა (კაცი), რათა იყოს მხედველ საკვირველებათა მათ, რომელნი არიან მათ შინა, და იყოს კეთილთა მათ ზედა უფალ; რათა გულის-კმა ჰყოს მოცემული იგი მისი, რომლითა იშუებდეს და ცნას ძალი შემოქმედისა თვისისაჲ, რომელი მიუთხრობლობს ხილულთა მათგან და შუენიერებათა დაბადებულთა და დიდებულთა.



და ამისთვის შეიყვანა კაცი სოფლად უკანადასკნულად დაბადებულია, არათუ შეურაცხებისა მისისათვის უკანადასკნულად არამედ რათა იყოს მეფე დაბადებულგანვე მისით.

ვითარცა იგი, ვის ჰნებავს სერისა ყოფაჲ, თანაჲც მას, რათა განჰმზადოს პირველად რაჲ იგი უკმს საქმლად და მაშინლა მიუწოდოს ჩინებულთა.

და კუალად რითა შეამკოს სახლი თვისი და ტაბლაჲ ჯეროვნად და მაშინლა შეიყვანნეს სტუმარნი ჰამად პურისა თვისისა.

და ამათ ესე ვითარითა საბითა ყო მზრდელმან მან ბუნებისა ჩუენისაგან, მდიდარმან და მეუფემან, რაჲმს შეამკო დაბადებული ყოვლითა შვენიერებითა, და განჰმზადა საყოფელი ესე დიდებული და პატიოსანი.

მაშინლა შეიყვანა კაცი და მისცა მას საქმედ მონაგები რჩეული, პოვნილი და მომზადებული და ამისთვის ყო მას შინა მიზეზი ცხოვრებისაჲ მრჩობლად და შეჰრია საღმრთოჲ იგი ქუეყანასა მას, რათა იწოდოს და სახელ ედვას ორთავე მათ: ერთი იგი ლუთისა ბუნებითა გონებისაჲთა, ხოლო მეორე იგი კეთილთა ქუეყანისათა განშურებად საგრძნოთა ვორციელთა“ (ივერია 1898, № 70).

ზეპირ გარდმოცემა მას დასქენს:

ღმერთმა რომ გააჩინა კაცი კეცისაგან, მას გადაემ+ერა ბოროტი ანგელოზი სამალი ანუ ეშმაკი. ღმერთმა ურჩია კაცს—გაუმკლავდიო შენს მტერს. კაცმა გაახურა მაყაში და მწვალებელ-მტანჯველი რომ მოვიდა, სწვდა მას ცხვირში და მაგრა მოუჭირა ცხელი მაყაშით. სამალმა იწყო ფართხალი, ზნეჲ; საითყენაც იჭიმებ-იწურებოდა, იჭითკენ ჩნდებოდა ღეღეღუღეები, ხრამები, ოღრო-ჩოდროები. მისი კული კავკასიასაც მოხვდა და აქაც აღიმართა მთა გორები, გაჩნდა ღეღეები, ხრამები.

კახელთ გადმოცემით, ღმერთს თურმე, მიწა უფრო მეტი



(დიდი) გაეჩინა, ვიდრე ცა. ასე რომ ეს უკანასკნელი ვრცელდება რკლებოდა დედამიწას. მაშინ ეშმაკმა ურჩია ღმერთს, მოსკოვიში
 კირეო მიწას შენის ძლიერის მკლავებით და ცა ხართუშვიით დაეხურებო მას. ღმერთმა მოუკირა, ცა დაესარქლა, მაგრამ მიწა-კი მოკერისაგან შეიზნიქა და აქა-იქ აიბურცა მთა-გორე-ბად, აქ-იქ კი გაჩნდნენ ხრამები, ლეღეები, ტბათა, ზღვათა და ოკეანეთა უფსკრულები.

პირველი, მეორე და მესამე ეპოქა.

ქვეყნისა და კაცის გაჩენის შემდეგ, ინგილოთა გადმოცემით, მსოფლიოს გამოუვლია ერთი სრული ზამანა (ხანა, ეპოქა), ახლა მომავლობს მეორე ხანაში და ამას მოჰყვება მესამე უკანასკნელი ზამანა.

პირველი ზამანა ყოფილა დროება ოღუხებისა, ბუმბერაზ ადამიანებისა, მეორეა ხანა—ღღევანდელ კაცისა და მესამეში იქნება მფლობელობა სხვა თაობისა.

პირველ ზამანაში როგორი დევგმირი და ბუმბერაზი იყო კაცი, ისეთივე ტანადი, მსხვილი, უზარ-მაზარი იყო აგრეთვე მისი შესაბამელი, მისი სახნისი, ურემი, სახლი და სხვა. კაცს მაშინ აუარებელი ღონე ჰქონდა, ხეებს ამოგლეჯავდნენ ხოლმე და მტერს სტყორცნიდნენ, ისე დაიყვირებდნენ, რომ ხეს ფოთლები სცივოდა სრულად. მხოლოდ ადამიანი უტი, მიუხევედრი იყო, ცეცხლის პირას რომ მჯდარიყო, ცეცხლს დაეწვა; იმდენი ჭკუა და მოხერხება არა ჰქონდა, რომ უკან დაეწია; რათა ცეცხლის სიცხოვლეს არ შეეწუხებინაო.

ერთხელ, პირველის ზამანის მიწურულს და მეორეს დამდეგს, მინდორში გაჩაღებული ხენა-თესვა იყო. ბუმბერაზი კაცები ხნავდნენ სახნავს თავისი ბუმბერაზი სახნისებით; სახნავში ებათ ბუმბერაზივე ხარები და კამბეჩები. უცბად გაიზოზუნა რალაკამ ჰაერში და ერთ ბუმბერაზს ბარკალში დაესო ისარი, „ეს ეკალი ვინ დამასოო,“ გაიკვირვა დაქ-



რილმა, შეიხედა და ბუჩქებში თვალი მოჰკრა მეორე ზამანის კაცს. ეგ ჰქონდრის კაცი დამასობდა ეკალსაო.

გამოეკიდა, სად გაექცეოდა? გადაადგა ორიოდ-სამიოდე ნაბიჯი ბუჩქებიდან ბუჩქებზე და კიდევ დაეწია, დაიჭირა, ლაფჩინის ყელში ჩააძვრინა და მერე შინ მო ყვანა თავის დედისთვის საჩვენებლად.

დაინახა რა დედამ, გაკვირვებით უთხრა შეილს: „ეგ ციღამტკაველა“ ხომ მეორე ზამანის კაცია. ჩვენ შემდეგ ეგენი იუფლებენ ამ ქვეყანაში.

შეილმა მოახსენა: „ეგ რა არის, რომ შავის მფლობელობა რა იყოსო.“

„ეგ პატარაა, მაგრამ გამჭრიახი კიოა და თავის ჭკუით ყოველივეს დაიმორჩილებსო.“

„აბა, მაშ გამოვცდიო, — დაუმატა შეილმა და მეორე ზამანის კაცს ანიშნა, ცხენს ჭერი და ბზე აქამეო. (თვითონ რახან ცხენი მალალი იყო, ბანზე ავიდოდა ხოლმე, რომ ცხენისთვის იქ ეკმია). მეორე ზამანის კაცმა თოფრაკში ჩაყარა ბზე, ჭერი, დაანახვა დევ ცხენს და დაუძახა: თფრიშე! თფრიშე ცხენი მოვიდა, დასწვდა საკმელს, და მეორე ზამანის კაცმა თოფრაკი მარდად წამოსდო ცხენს თავ-კისერზე. ცხენმა აიწია, მალლა წაიღო საკმელი და ხრამა-ხრუმი აუყენა ჭერ-ბზეს.

დაინახა რა ეს ოლუზის დედამ, ნიშნის გებით უთხრა შეილს:

„აი ე შავისთანა ჭკუით და ხერხით ეგენი დაიჭერენ ქვეყანას და ისუფევენ.“

საგულისხმო აქ ის არის, რომ ამ პირველ ხანაშივე გადმოცემები საქართველოში უჩვენებენ სასოფლო მეურნეობას და მის წარმომადგენლებს აჩეჩას, ხარებს.

რა დროს და რის გამო ამაღლდა ცა?

გადმოცემას შეუნახავს ის თქმულება, თუ როდის, როგორ და რად დაშორდა ღმერთი ადამიანს.

პირველ ხანაში ცა და დედამიწა ერთმანეთისაგან იყო დაკავშირებული იყვნენ, რომ ადამიანი ხელით სწვდებოდა ცას, საცა იყო უფრო და ტახტი ღვთისა. ღმერთი და კაცი ერთ ოჯახად სცხოვრობდნენო. ხოლო დედამიწა ეკავა დიდს ვეშაპს*). შემდეგ ერთმა დედაკაცმა შეაბილწაო ღვთის გაჩენილი პურის მადლი მით, რომ ბავშვს უწმინდურება მოჰხოცა ლავაშით. ამიტომ ღმერთმა აღარ ინდომაო კაცებთან ახლოს ყოფნა, აპკრა ცას, მალლა-მალლა წაიღო და წავიდა ზესენელის მიუწდომელობაშიო.

სხვა გადმოცემა ღვთისა და კაცის დაშორებას აკუთვნის გმირის ამირანის მიჯაჭვის ხანას. გადმოცემით, ღმერთმა გააჩინა ორი უდიდებულესი ბუმბერაზი, ამბრი და ამირანი. უკანასკნელი მონათლა თვით ქრისტემ და ასე ღმერთი დაუნათესავედა ადამიანს. ერთხელ შეეჭიდნენ ერთმანეთს ეს გმირები. ამბრის გაემარჯვა. ამირანმა უსაყვედურა ნათლას: „აკი მეუბნებოდნი, შენ რ მძლეველი არაივინ იქნებაო.“ ღმერთმა უთხრა: „ამბრი მოკვდა და ახლა ვერაივინ გაჯობებსო.“ ამირანმა საკიდაოდ თვით ღმერთი გამოიწვია. გამჩენმა უთხრა: „თუ ღონის გამოცდა გინდა, აი ეს კვერთხი და ეს გრებილი. ჯობი მიწაში ჩაურტე და ზედ მიები ფეხით და გამოსწი. ვნახოთ, გასწყვეტ მას, თუ ვერა?“

აგრე მოიქცა ამირანი. ღმერთმა ჯვარი გადასახა. გრებილი მძიმე და მაგარ ჯაჭვად იქცა, ხოლო ჯობი სქელ და მყარ სვეტად. ამირანი შეიბოჭა, მაგრად შეიკრა და დარჩა მიჯაჭვული და ბრახ-მორეული მტედლებზე, რომელთაც გამოკედდეს ჯაჭვი, ქალებზე, რომელთაც შეგრიბეს ბაწრის გრებილი. შორი-ახლოს დევს მისი ხმალი, რომელიც ჯაჭვს ერ-

*) დღესაც ჩვენ ხალხი გვიამბობს: ზღვაში ვეშაპია. მას უკაცია მიწა და მის განძრევისაგან იძვრის თვით მიწაო. წმ. ნინოს ცხოვრებას გვაუწყებს (გვ. 38): „ოდეს შეიძრას ვეშაპი იგი დიდი, რომელ არს ზღუასა შინა, შეიძრას ყოველი ძვეყანა (ისე, რომ) დაირღვიან მთანი, მყარნი და კლდენი.“

თის მოქმედით ვაკვეთს, თუ მისწვდა, ან თუ ჯაჭვირდებოდა ამის ცდაშია მისი ერთგული ფინია, რომელიც ლობკოვსკის მთელ წლის განმავლობაში და როდესაც საქმე გაწყვეტაზე მივირდებოდა, ბოროტი მკედლები ვნების დიდხუთშაბათს დაჰკრავენ თავიანთ კვერებით ზინდალს და იქ ამირანის ჯაჭვი ისევ გამაგრდება და გასქელდება.

სხვა გადმოცემით, მთელი წლის განმავლობაში ამირანი არყევს და ანძრევს სვეტს, რომელზედაც მიბმულია და როდესაც უკანასკნელად უნდა შეარყიოს და ამოაძროს, ამ დროს მოფრინდება შორიდან პატარა ლობემძვარაა ჩიტი, ჯდება სვეტის თავზე ბოლოს გაქნევ-გამოქნევით. ტანჯული გმირი რაც ძალი და ღონე აქვს მოუქნევს მას მძიმე კვერს, ჩიტი აფრინდება, მიდის, ხოლო კვერი ხვდება სვეტს და ისევ ღრმად ჰფლავს მიწაში.

ასეა მარადის. ამირანს ადარებენ ბერძენთა ლეგენდის პრომეთეოსს, რომელმაც ღმერთს ციდან ცეცხლი მოსთაცა და ამის გამო კავკასიონში მიჯაჭვული იანჯება და მას მარადის გულს უწიწუნის მთის არწივი. ჩვენი გადმოცემა ამირანის მიერ ცეცხლის მოტაცებაზე არას ამბობს, მაგრამ იმას კი აღნიშნავს, რომ ციდან ოქროს ჯაჭვზე ეკიდა კოშკი. ამ კოშკში, რომელიც სპილენძის ჭურჭლით სავსე იყო, იჯდაო მზეთუნახავი ქალი ყამარი ანუ ქალ-გაში *) და ეს ქალი მოიტაცა გმირმა ამირანმა.

მნათობების თავჯანისცემა.

ჩვენი მატრიანე საქართველოს ისტორიას იწყებს სიტყვებით: „მას ჟამსა დაივიწყეს დამბადებელი ღმერთი და იქმნეს მსახურ მზისა, მთვარისა და ვარსკვლავთა ხუთთა. ხოლო

*) ი ვ რ ი ა 1887 წ. № 145 და სხვ.

მტკიცე და უფროსი საფიქარი მათი იყო საფლავი ქართველთა სისა.“

მაშინ არა თუ მარტო ქართველებს, ბევრს ძველ ხალხებსაც, მაგ., ეგვიპტელებს, ასურელებს და სხ., სწამდათ, რომ კაცის დაბადება, ცხოვრება და სიკვდილი იმყოფება ვარსკვლავთ გავლენის ქვეშე: ვარსკვლავნი არიან მაუწყებელნი ღვთის ნებისა: მათ ხელშეიძლევიდა კაცის, მთელი ერის და მის მეთვის ბედ-იღბალი, ბედის-წერა, ეტლი. ამიტომ, საფიქრებელია, ამბობენ ჩვენში დღესაც: „რა კულ ვარსკვლავზე დავიბადეო,“ ან და „უეტლო—ეტლიანი ვარო.“


ქალღვევლთა სასულიერო იერარქია შუამავალი იყო ვარსკვლავებით მოკვდილი კის მსოფლიოსა და კაცთა შორის. მათ ღმერთებად ითვლებოდა ორი უმაღლესი სამება, ხუთი ვარსკვლავი, ღმერთების 12 ბჭე, რომელთაგან ყოველი განაგებდა წელიწადის ერთ-ერთ თვეს და ბურჯს (ლენორმანი, 1, გვ. 426).

შვიდი მნათობის გაღმერთებამ საღმრთო მნიშვნელობა დასდო თვით რიცხვს შვიდს. გაღმერთებული იყო მზე, მთვარე, მარსი, მერკური, ვენერა, იუპიტერი, სატურნი, და მათთვის შეწირული იყო შვიდი ლითონი, მათგან ოქრო მზისთვის, ვერცხლი მთვარისთვის, რკინა მარსისთვის და სხ. ასევე განაწილებული იყო კვირის შვიდი დღე: მნათობი, რომელიც ჩნდებოდა დღის 1-ლ ეამს; იმ დღეს ეს მნათობი ანათლიდა თავის სახეს (დრეპერ, გვ. 301).

რომ ეს ჩვენშიაც სწორედ ასე ყოფილა, ამას შევნიშნავთ დასაბუთებენ ჩვენებური სახელები კვირის დღეებისა.

მოსე ჯანაშვილი.





ყინულის მთა.

(თარგმანი).



ერ კიდევ ყველას გონებაში წაუშლელია ის საშინელი უბედურება, რომელიც ამ რამდენიმე თვის წინად დატრიალდა ატლანტის ოკეანეზე. ვინ დასთელის, რამდენი დედა აატირა ამ შემაძრწუნებელმა შე-

მთხვევამ, რამდენი ბავშვი დააოპლა, რამდენ ახალგაზრდას უღროოდ დაახუჭვინა თვალები! შე მოგახსენებთ გემ „ტიტანიკი“-ს დაღუპვაზე. ამიტომ მეტი არ იქნება გავიგოთ, თუ რა იყო მიზეზი ამ თავზარდაშცეში ამბისა, რა ეწოდება სახელად იმ ზღაპრულ გველვეშაპს, რომელმაც ამდენი ადამიანი ჩაყლაპა?

ეს ვეებერთელა გემი, რომელსაც სახელად „ტიტანიკი“ ეწოდებოდა, ჩაიძირა იმის გამო, რომ ყინულის მთას დაეჯახა. ეს მთა სიგრძითა და სივანით რამდენიმე ათეული ვერსი იქნება, სიმაღლით-კი 100 საეენამდე აღწევს. ხშირად შეხვდებით ამ მთებს ნიუ-ფაუნდლენდის ნაპირებსა და ოკეანის იმ ნაწილებში, საცა ზომიერი ან ცივი ჰავაა.

კაპიტან ბლონდეტის ცნობით იალკნებიან ჰომოდს „პრეზიდენტ ტიერ“-ს შეხვედრია 1896 წელს, ნოემბერში, ყინულის მთა სიმაღლით 70 საეენი, სიგრძით-კი 37 ვერსი.

ხომალდს ოთხი დღე მოუწდა თურმე, სანამ ამ „მცურავი ხომალდი“ გზას აუქცევდა.

ზოგჯერ ეს მთა უფრო დიდუკ არის ხოლმე. მარსელ გოლეს სიტყვით 1893 წელს პატაგონიის აღმოსავლეთ ნაპირებთან, ატლანტიის ოკეანეში შეხვედრით ვეებერთელა ყინულის მინდორი, რომლის სიგრძე თითქმის 300 ვერსი იქნებოდა.

ათზე მეტი გემი დაზიანდა ამ ყინულის მინდვრის გარშემო.

ყინულის მთის ნამდვილი სიდიდე რომ წარმოვიდგინოთ, უნდა ვიცოდეთ, რომ ზემო მოყვანილი ციფრები გვიჩვენებენ მხოლოდ წყლის ზევითა ნაწილის ზომას.

წყალში-კი უდიდესი ნაწილია ჩამალული. წყლის ქვევითა ნაწილი 8—9-ჯერ მეტი იქნება, ვინემ წყლის ზევითა.

ეს აი რით აიხსნება: თუმცა ყინული ცურაობს წყალში, მაგრამ ყველამ ვიცით, რომ ის მხოლოდ ცოტათია წყალზე მსუბუქი. ამის გამო ყინულის თითქმის ცხრა მეათედი ($\frac{9}{10}$) ცურვის დროს წყლის ქვეშ იმყოფება ხოლმე.

ასე რომ კაპიტან ბლონდეტის ნანახი მთა ნამდვილად ყოფილა სიმაღლით 700 საენი, ესე იგი ერთ-ნახევარი ($1\frac{1}{2}$) ვერსამდე, თუ წყლის ქვედა ნაწილსაც ვიანგარიშებთ.

ახლა გავიგოთ, თუ როგორ ჩნდებიან ყინულის მთები?

პოლიარულ წრის ახლო-მახლო არის ისეთი მთები, რომლებიც მუდმივ ყინულითაა დაფარული. ამ ყინულს **გლეტჩერს** ეძახიან. რაც უფრო ცივია ჰავა, მით უფრო უახლოვდება გლეტჩერი ზღვის პირს. სიმძიმისა თუ სხვა მიზეზების გამო. ეს მთებზე გადაწოლილი ყინული ვეებერთელა ბელტებად ეშვება ზღვა ოკეანეში, უერთდება ერთმანეთს და ამრიგად კეთდება ის ყინულის მთები, რომლებსაც უკვე გავცანით.

გლეტჩერი ძალიან ხშირია გრენლანდიაში. აქ ამ ხმელეთის ყინულს ორჯერ მეტი ადგილი უჭირავს, ვინემ მთელ გერმანიას. ყინული ნელ-ნელა ცოცდება ზღვისაკენ.

საერთოდ გრენლანდიის გლექტერი ვერ უწყობდა ჩვენი პირს და ამიტომ ზღვის პირად ხმელეთის მცირე ზოლი ყველთვის თავისუფალია ყინულისაგან.

მაგრამ ისეთ ადგილებში, საცა კლდიანი ნაპირებია, და ყინულის თავისუფლად მოძრაობას უშლის, ყინულის ბელტები საშინელი სიძლიერით აწევებიან ერთმანეთს და მთებად ქცეულნი პირდაპირ აკეანეში ეშვებიან.

ზღვის მოუსვენარი ტალღები შორს მიაკურებენ ამ ყინულის მთებს. ხშირად მოხდება, რომ აფრიკის ნაპირებამდე მოატანენ ხოლმე.

მთის ის ნაწილი, რომელიც მზისკენაა მიშვერილი, რასაკვირველია, უფრო ჩქარა დნება, ოღრო-ხოლო დნება და ეშვავსება ძველი დროიდან დარჩენილ ციხე-სიმაგრეს. განსაკუთრებით ლამაზი შეხედულება აქვთ ყინულის მთებს, როცა იმათ ამომავალი მზის შუქი ათასფრად ღებავს.

ხშირად მოხდება ხოლმე, რომ მთის ერთი მხარე უფრო ჩქარა დნება; მაშინ მეორე, უფრო მძიმე მხარე გადასძლევს და ყინულის მთა მეორე გვერდზე გადაბრუნდება.

ვაი იმ გემს, რომელიც ახლო-მახლო მოხედება ამ დროს! დიდი უბედურება მოელის, რადგანაც მთის გადაბრუნება იწვევს საშინელ ღელვას.

რამდენადაც მთა უფრო უახლოვდება სამხრეთს, მით უფრო ჩქარა დნება. ბოლოს და ბოლოს ვეებერთელა მთისაგან რჩება ყინულის პატარა ნაწილი, მაგრამ იმასაც ჩქარა აქრობს სამხრეთის მზის მხურვალე სხივები.

ამნაირად, ჩვენი ნაცნობი მთისა, რომელიც შიშის ხარისა სცემდა მეზღვაურებს, მხოლოდ მოგონება-ლა რჩება.



ტროლის ომი.

წმინდა ქალღმერთა ჰეფესტოს სიზოვს აქილევსისათვის
სამხედრო იარაღის მომზადებას.



ეტიდა ქალღმერთა დაუყოვნებლივ გაე-
შურა ცეცხლისა და სამკედლო ხელოვ-
ნების ღმერთის ჰეფესტოსის სასახლისა-
კენ. ჰეფესტოსის მბრკევიანი სპილენძის
სასახლე ოლიმპოსის მწვერვალოდან კო-
ხტად დაჰყურებდა შთის თვალუწვდენელ
კალთებს. ჰეფესტოსი მეტად დახელო-

ვნებული იყო სამკედლო საქმეში. თვით სამკედლოც ხელოვ-
ნურად ჰქონდა მოწყობილი. ერთად ერთი მუშა ამ სამკედ-
ლოში თვითონ ჰეფესტოსი იყო. ცეცხლი და ჰაერი მუშების
მაგიერობას უწევდა დახელოვნებულ ღმერთს. ერთი თითის
ჩვენებით საბერავში ჰაერი თავისთავად მოძრაობდა და ცეცხ-
ლი გრდემლზე საოკარი ძლიერებით გიზგიზებდა. თვითეუ-
ლი ნივთი, ზვითეული სამკაული, რომელსაც კი ჰეფესტო-
სი დაამზადებდა თავის სამკედლოში, ელვის სისწრაფით
იჭედებოდა. თვითეულ ესეთი ხელოვნებით შეკვიდლ სა-
მკაულს ჰეფესტოსის ღვთაებრივი ძალა უხვად ანიჭებდა

სილამაზეს, სიმშვენეირეს, სიფაქიზეს და თვით სტუდენტებს და გონიერებასაც-კი. მკედლობაში ზედმიწევნით დახელოვნებული ღმერთმა თავის სამკედლოში შექვედა ოქროსაგან ორი მოსამსახურე ქალი ისეთის ხელოვნებით, ასე გვეგონებოდათ ცოცხლები არიან და ეს არის ამოძრავდებიანო. ეს მოსამსახურე ქალები ყოველთვის მხარ-და-მხარ უდგნენ ჰეფესტოსს, როცა იგი ჩვეულებრივის კოჭლობით სამკედლოს თავს ანებებდა და სადმე მიდიოდა.

სწორედ იმ დროს, როცა ფეტიდა ქალღმერთამ ოლიმპოსის მწვერვალს მოაღწია, ჰეფესტოსი თავის სამკედლოში ჩვეულებრივ მუშაობდა. სწორედ ამ დროს ღმერთმა დაამთავრა შექვედა იმ ოცი ოქროთ მოვარაყებულ სამფეხისა, რომელიც თავისთავად იმ რიგად და ისე ტრიალებდა, როგორც კი კაცი მოისურვებდა.

ფეტიდა ქალღმერთა სასახლეში მიმავალი შენიშნა აფროდიტა ქალღმერთამ, კოჭლი ჰეფესტოსის მუღლემ. აფროდიტა დიდის სიყვარულითა და თავაზიანობით მიეგება ფეტიდა ქალღმერთას. „დიდებულო ფეტიდავ!“ ღმობიერად მიე საღმა ჰეფესტოსის მშვენეირი მუღლევ: „დიდება და ძლიერება ღმერთების მამათმთავარს ზევისს, რომ ჩვენს კარმიდამოში მოსვლა გაგაბედვინა! ჰეშმარიტად, ძნელი გამოსაცნობია, თუ რას უნდა მივაწეროთ შენი ასე მოულოდნელად სტუმრობა!“

ესეთი მისაღმების შემდეგ მოსიყვარულე მასპინძელმა მიიბატიეა ფეტიდა ქალღმერთა სასტუმრო ოთახში და ოქროს საეარძელი მისთავაზა. აფროდიტამ ფეტიდას სტუმრობის ამბავი დაუყოვნებლივ თავის მუღლევს აცნობა.

ჰეფესტოსმა სიჩქარით გამოიცივალა სამუშაო ტანთსაცმელი, სამკედლოში ყველაფერი თავის რიგზე მიალაგ-მოალიაგა, სამეფო ტანსაცმელში გამოეწყო და ჩვეულებრივის კოჭლობით, ოქროს ყავარჯენზე დაყრდნობილი, თავისი მუღმივი თანამხლევ-

ბელ მოსამსახურეებით სასახლის სასტუმრო ოთახისაკენ გავე-
მართა.

ჭეფესტოსი ღმობიერად და მოსიყვარულე კილოთი მიე-
სალმა ფეტიდა ქალღმერთას: „დიდებულო ქალღმერთავ! ქე-
შმარიტად ბედნიერი ვარ ჩემ სასახლეში შენის მობრძანებით!
განუსაზღვრელი პატივისცემით ვიგონებ მუდამ ეამს შენს სა-
ხელს, ჩემო ძვირფასო, დიდებულო ქალღმერთავ, რადგანაც
შენგან საუკუნოდ დავალებული ვარ. მე თავის დღეში ვერ
დავივიწყებ იმ დიდ ღვაწლს, რომელიც შენ დამდევნი სწორედ
იმ დროს, როცა დედა ჩემმა ჰერამ ჯერ კიდევ ჩვილი ყმა-
წილი კიდან გადმომაგდო. შენ, ჩემო ძვირფასო ქალღმერ-
თავ, სიკვდილს გადამარჩინე, სიცოცხლე უდროოდ არ მო-
მისპე. ცხრა წლის განმავლობაში მღელვარე ზღვის უფსკრულ-
ში, შენს სასახლეში განუშორებლივ ვცხოვრობდი და ჩემ
ჩვეულებრივ ხელობას ვეწეოდი. ახლა, დიდებულო ქალღმერ-
თავ, მიბრძანე, რისთვის გარჯილხარ. მე დიდი სიამოვნებით
ავისრულებ ყველაფერს, რასაც-კი მოთხოვ, თუ-კი ჩემის მხრით
მოსახერხებელი იქმნა ამ თხოვნის შესრულება.“

ფეტიდა ქალღმერთამ ცრემლების ღაპაღუპით ესე განუ-
მართა ჭეფესტოსს თავისი გულის განუსაზღვრელი მწუხარება:
„დიდად პატივცემულო ჭეფესტოს! არც ერთი ქალღმერთა
ოლიმპოსზე არ განიცდის იმდენ მწუხარებას, რამდენსაც
იგი განიცდის ამ ეამად ღმერთების მამათმთავრის ზევსის წყა-
ლობით. ოლიმპოსის მფლობელის ბძანებით იგი ვაჰევა შეუ-
ღლებდ მომაკვდავთა შორის დიდებულ ჰელასს, რომლისაგანაც
მას შეეძინა დიდებული შვილი აქილეესი. დიდი შრომა და
მწუხარება განვიცადე ჩემი შვილის ღირსეულად აღსაზღვლად.
მართლაც აქილეესის თანასწორი გმირი იშვიათად სადმე მო-
იძებნება. საშწუხაროდ, როცა ელლინთა და ტროადელთა
შორის მშვენიერ ელენეს მოტაცების გამო სამკედრო-სასი-
კოცხლო ომი ასტყდა, აქილეესი თავისი ერთგული მეგობ-
რის პატროკლოსის თანახმობით ამ ომში მონაწილეობის მი-



საღებად გავგზავნე. ელლინთა მთავარ-სარდალს და აქილევსს ნადავლის განაწილების დროს უთანხმოება მოუვიდათ, რის გამო შეურაცხყოფილმა ჩემმა შვილმა ომში მონაწილეობის მიღებაზე უარი განაცხადა. სწორედ ამ დღიდან იწყება ელლინთა მხედრობის უბედურება ბრძოლის ველზე. ტროადელების რაზმების მთავარ-სარდალმა ჰექტორმა, გაიგო თუ არა—აქილევსი ომში მონაწილეობას არ იღებსო, უფრო მეტის გაბედულობით იერიში მიიტანა ელლინთა მხედრობაზე. ტროადელები თავგანწირულებით ებრძოდნენ ელლინთა შემორებს და თითქმის ყველა შეტაკებაში გამარჯვება ტროადელებს რჩებოდათ. საქმე ისე გამწვავდა, რომ ელლინთა მხედრობას დიდი შიში მოელოდა. აქილევსის გულითადი მეგობარი პატროკლოსი სულითა და გულით იჩანჯებოდა, როცა ელლინთა მხედრობის ესეთ გაქირვებულ მდგომარეობას ხედავდა. ტროადელებმა ისე შეევიწროვეს ელლინთა შემორები, რომ ბრძოლის ველი დასტოვეს და ზომალდებისაკენ იბრუნეს პირი.

„სწორედ ესეთ გაქირვებულ მდგომარეობაში აქილევსმა ნება დართო თავის უგულითადეს მეგობარს პატროკლოსს ომში მონაწილეობა მიეღო და თან თავისი სამხედრო იარაღი ათხოვა. პატროკლოსი, რასაკვირველია, დასკრეს ბრძოლის ველზე და ჩემი შვილის აქილევსის სამხედრო იარაღიც მტერმა გაიტაცა.

„უიარაღოდ დარჩენილი აქილევსი განუსაზღვრელად იტანჯება, მის სასოწარკვეთილებას ბოლო არ უჩანს. გულითადი მეგობრის სიკვდილი მწუხარებას ერთი ორად უმატებს. დიდებულ გმირს საბოლოოდ გადაწყვეტილი აქვს სამაგიერო მიუძღვნას მისი გულითადი მეგობრის მკვლელს, მაგრამ უიარაღოდ აბა რა უნდა გააწყოს ბრძოლის ველზე!

„ამიტომ უმორჩილესად გთხოვ, დიდებულო ჰეფესტოს, შეხვიდე ჩემ მდგომარეობაში და გაუკედო შენი მადლიანი ხელებით ჩემ შვილს, დიდებულს გმირთა გმირს, სამხედრო



იარალი და ამით მიეც საშვალემა მოსისხლე მტერსა სამხედრო მიუძღვნას*.

ჰეფესტოსმა ლომობიერად უპასუხა ფეტოდა ქალღმერთას: „ძვირფასო ქალღმერთავ! გული დაიმშვიდე და სანამ დიდებული შვის სხივები ზვალ დილით დედამიწას მოეფინებოდეს; შენი გმირთა გმირის შვილისათვის სამხედრო იარალი უკვე მზად იქნება!“

ა. მიქაბერიძე.





მასობრივად ადგილი აქვს მხოლოდ ანტიკონსტანტინოპოლის

ომი ბალკანეთის ნახევარ კუნძულზე.

ბალკანის ნახევარ კუნძულზე, ევროპაში, საზარელი ბრძოლაა: ოთხი სახელმწიფო—ბულგარეთი, სერბია, ჩერნოგორია და საბერძნეთი ებრძვიან ოსმალეთს. ამ ბრძოლის ვითარების გასაგებად საჭიროა მოკლედ გავვეცნოთ ყველა ამ სახელმწიფოს.

ოსმალეთს უჭირავს ბალკანის ნახევარ კუნძულის შუა ნაწილი, ახლო-მახლო კუნძულებით; მას ეკუთვნის აზიაში—მცირე აზია, ბაბილონია ანუ ირაკ-არაბო, მესოპოტამია, სირია, პალესტინა, სომხეთის ნაწილი, კურდისტანი, არაბეთი, აფრიკის ჩრდილო-აღმოსავლეთ ნაწილში ეკუთვნის—ფესანი, ბარკა. ყველა ამ ქვეყნებში დაახლოებით 40 მილიონი მცხოვრებელია, რომელთა შორის ოსმალები მხოლოდ $1\frac{1}{2}$ მილიონია; თვით ოსმალეთში, ბალკანის ნახევარ კუნძულზე, 6 მილიონი მცხოვრებელია. ოსმალეთის დედა ქალაქი სტამბოლია (კონსტანტინეპოლი), სადაც $1\frac{1}{2}$ მილიონი მცხოვრებელია.

ოსმალები ლამაზი, სერიოზული, სტუმართ-მოყვარე, მშრომელი, გულადი ხალხია. ისინი უმთავრესად მიწის მუშა ხალხია; მაჰმადის რჯულს :ღიარებენ, მაჰმადიანები არიან; ფანატიკოსურად ასრულებენ ამ რჯულის წესებს, ე. ი. თავის გონებას არ ენდობიან ამ საქმეში, არ სჯიან იმის



შესახებ, თუ რა არის ამ რჯულში კარგი და რა ავიწყლებს ბრმად ენდობიან იმას, რაც შაჰმადის რჯულის წიგნში უკრანში სწერია და აგრედვე ბრმად უჯერებენ და ემორჩილებიან თავის სამღვდლოებას.

ოსმალეთმა ამ ბოლოს დროს ბევრი განსაცდელი გამოიარა. იქ მოხდა სახელმწიფო წყობილების ცვლილება—რეფორმა, რომელიც იყო შედეგი უმთავრესად ჯარში პროპაგანდისა (აზრების გავრცელებისა); ჯარი მიემხრო რეფორმის მოსურნე ახალგაზდა ოსმალებს და ამიტომ ეს რეფორმა სისხლის დაუღვრელად შესრულდა. ტახტიდან ჩამოაგდეს სულთანი აბდულ-ჰამიდი. მისა მოადგილე ახლა მარტო თავისი უფლებით არ განაგებს ქვეყანას: მოწვეულია პარლამენტი, რომელიც შესდგება ხალხის მიერ არჩეულ დეპუტატებისაგან. სულთანსა და მის მინისტრებს არა აქვთ უფლება გამოსცენ კანონები პარლამენტის დაუკითხავად.

ბულგარეთი პატარა ქვეყანაა ბალკანეთის ნახევარ კუნძულზე. იქ რუსების მონათესავე სლავიანთა მოდგმის ხალხი ცხოვრობს. 1878 წელს ბულგარეთი ოსმალეთის მორჩილებისაგან განთავისუფლდა. დედა-ქალაქს სახელად სოფია ეწოდება. იქ ორასი ათასი მცხოვრებელია. ბულგარეთში $3\frac{1}{2}$ მილიონი მკვიდრია, რომელთა უდიდესი ნაწილი—3 მილიონი—ბულგარელებია. სარწმუნოებით ისინი მართლმადიდებლები არიან. ხალხი უმთავრესად სასოფლო მეურნეობას ეწევა, მიწას მუშაობს. სახელმწიფო წყობილება—საკონსტიტუციო მონარქიაა. ე. ი.—ქვეყანას განაგებენ მეფე თავის მინისტრებით; ხალხიდან არჩეულ დეპუტატების კრებას კანონთა გამოცემის უფლება აქვს.

სერბია—ბულგარეთზე ნაკლებია სივრცითა და ხალხის რაოდენობით: იქ $2\frac{1}{2}$ მილიონი მცხოვრებელია. დედა-ქალაქს ბელგრადი ჰქვია (80 ათასი მცხოვრებელია). ეს ხალხიც სლავიანთა მოდგმისაა. სერბიაც დამოუკიდებელი სახელმწიფოა. სარწმუნოებით სერბიელები მართლმადიდებლები არიან. ხალ-

ბი უმთავრესად მიწის მუშაობას მისდევს. სახელმწიფო წყობილება ბულგარეთის მზგავსია.

ჩერნოგორია (მონტენეგრო) — დამოუკიდებელი პატარა მთიანი სამთავროა, რომლის მცხოვრებლები, მოდგმით სლავიანები, საქონლის მოშენებას და მიწის მუშაობას მისდევენ. მცხოვრებთა რიცხვი 250 ათასამდეა. დედა-ქალაქ ცეტინიეში 40 ათასი მცხოვრებელია. ტომით ჩერნოგორელები სერბიელები არიან და სერბულ ენაზე დაპარაკობენ. სარწმუნოებით მართლმადიდებლები არიან. ჩერნოგორელები გულადი, გამძლე და შრომელი ხალხია. სახელმწიფო წყობილება — კონსტიტუციონალური მონარქიაა.

საბერძნეთი — სახელმწიფოა ბალკანეთის ნახევარ-კუნძულის სამხრეთ ნაწილში; ჩრდილოეთით საზღვრავს ოსმალეთი; აღმოსავლეთ-დასავლეთ-სამხრეთით — ზღვა. მცხოვრებთა რიცხვი 2¹/₂ მილიონია. ხალხი მისდევს ხენა-თესვას და საქონლის მოშენებას. სარწმუნოებით მართლ-მადიდებლები არიან.

უკანასკნელი ოთხი სახელმწიფო ებრძვის ოსმალეთს. მიზეზი ბრძოლისა — შევიწროება ოსმალების მხრივ სლავიანთა მოდგმის ხალხისა, რომელიც დასახლებულია მაკედონიაში და ბალკანეთის ნახევარ კუნძულის სხვა-და-სხვა ნაწილში და ოსმალეთის ქვეშევრდობაშია. საბერძნეთი ებრძვის ოსმალეთს, რადგან სურს გაანთავისუფლოს მისი ქვეშევრდომობისა და შევიწროებრსაგან ბალკანეთში და კუნძულებზე მოსახლე ბერძნები.






გამოცანები.

(ძველი ხელნაწერებიდან ამოწერილია გიორგი შიქელაძისაგან).

თვალი აქვს პატიოსანი, ხაზინას არ დაედება, —
ცოცხალსა ნაპერწკალსა ჰგავს, აბედსა არ მოედება

ზოსტანშია გადვიხედე — ჯილოსანი ისი მინდა, —
მარგალიტი ჩაწყობილი, ჯილოსანი ისი მინდა;
ათას ფერად წახვეული, ტყაოსანი ისი მინდა;
ვინც რომ მმას გამოიცნობს — მეცნიერი ისი მინდა.




შარადა.

საქმელად ვებარობთ ყველანი —
პურზედა უფრო გრძელია;
ბოლოში ასო გახსოვდეთ
ამ სიტყვის მოსაჭრელია;
ინის მაგივრად ანს დაესვამთ,

ახლა-კი სიტყვა მთელია,
 აქ მოგებმება სიტყვაი,
 ორი ასოსგან შემდგარი:
 ცული ტაროსი როცა,—
 ხმა ისმის იმის მედგარი;
 ბინძურ ნაგავსაც წაიღებს,—
 იმის ხელობა ეგ არი.
 აქაც მოაბამთ ერთ ასოს,
 რესთან ნაწერი რომ არი;
 და ბოლოს ერთი სიტყვაა,
 პირველი სიტყვის შშობელი:
 იენისში ნახოთ, დალოცოთ
 მუშის მარჯვენა შშრომელი:
 მოკრილს აწყობენ ყანაში,
 სახლში-კი ურმით ზიდავენ;
 ვინც ვერ მოიწვეს იმას ბევრს—
 „ზარმაცია“-ო, ჰჭირდავენ.
 ვინც დაუკვირდეს შარადს —
 ადვილი ასახსნელია:
 ქართულ მწერლობის ძველ დროდან
 საძირკელის ის ჩამყრელია,—
 მნათობი არის ქვეყნისა,
 ზეგარდმო მადლით ცხებული:
 ათასი წელიც გავიდეს
 არ იქნეს დავიწყებული.

ვანო ჭიჭინაძე





1912 წ. მიიღება ხელის მოწერა

დასურათებულ საუბრეწვილო ჟურნალ

„ნაკადულ“-ზე

← წელიწადი მერვე ←

ჟურნალი გამოვა ჩვეულებრივი პროგრამით და საგანგებოდ არჩეულ სარედაქციო კომისიის ხელმძღვანელობით, მონაწილეობას ღებულობენ ჩვენი ცნობილი მწერლები და პედაგოგები.

წლიურ ხელის მოწერლებს მიეცემა:

24 წიგნი „ნაკადულისა“ **12** წიგნი „ნაკადულისა“
მცირე წლოვანთათვის. მოზრდილთათვის.

სახუქრად მიეცემათ წლიურ ხელის მომწერლებს

← დასურათებული 120-ზე მეტი ორიგინალური იგავ-არაკი ალ. მირიანაშვილისა. ←

ფასი ჟურნალისა: წლიურად ორივე გამოცემა **5** მან. ნახევარ წლით — **3** მან., ცალ-ცალკე: მცირე წლოვანთათვის **24** წიგნი—**3** მან. მოზრდილთათვის **12** წიგნი—**3** მან., ფულის შემოტანა შეიძლება ნაწილ-ნაწილადაც.

ხელის მოწერა შეიძლება **ტფილისში** — „ნაკადულის“ რედაქციაში, ზუბადაშვილის ს., კაფოჯ. ზრ. № 8. Редакция „Накадули“ Голвинский пр. № 8. და წერა-კითხვის საზოგადოების წიგნის მდ. ზაბაში, სსსხდას ქუჩა. **ქუთაისში** — ისიდორე კვიციანიძესთან, თ. შთაფნიშვილთან, და მარიამ ვაუხნიშვილთან. **სამტრედიაში**: ივანე კლადკოვთან, **ფოთში** — თეოფილე კანდელაკთან. **ბათომში** — ენ. სოფიას ნაკაშიძესთან და ტროფიმ ანსარიძესთან. **დ. ხონში** — ეკატერინე ვასილის ასულ ბატაკისთან. **ოზურგეთში** — დეო იმნაძესთან. **თელავში** — ვანო ზატაშვილთან. **ახალციხეში** — კონსტანტინე გვარამაძესთან. **ბაქოში** — ვასილ ახვლედიანთან და ივანე ულაიშვილთან. **გორში** — ხინო ლომურთან და ქეთევან ვაგხაშვილთან. **სოხუმში** — ენ. მარიამ ანჩაბაძესთან. **ქიათურაში** — ივანე კომულაურთან, **განჯაში** — ბ. ამბოქაძესთან **ერევანში** — კ. ოდიშარასთან, **სიღნაღში** — ნ. ახმეტელაშვილთან.

რედაქტორი ნინო ნაკაშიძე.

გამომცემელი თავ. პავლე იოსების ძე თუმანიშვილი.



Продолжается подписка на 1912 годъ

на политическую, общественную и литературную еже-
дневную газету

ЗАКАВКАЗЬЕ

(ГОДЪ VII)

ПОДПИСНАЯ ЦѢНА:

Для городскихъ подписчиковъ:

На 1 годъ 6 р., на 6 мѣс. 3 р. 50 к.

Для иногороднихъ подписчиковъ:

На 1 годъ 8 р., на 6 м. 4 р. 50 к.

За границу вдвое.

Для годовыхъ подписчиковъ допускается разсрочка.

Отдѣльный номеръ 5 коп.

За перемѣну адреса городского на иногородный — 1 р.
съ иногородного на иногородный — 50 к.

Редакція открыта отъ 10 до 3 час. Редакторъ принимаетъ
для личныхъ переговоровъ отъ 2 до 3 час. дня.

Редакція и Контора помещается въ Тифлисъ, на Двор-
цовой ул., въ домѣ грузинскаго дворянства. Телефонъ
редакціи № 917.